



ՄԱՆԿԱԿԱՆ
ԳՐԱԴԱՐԱՆ



835

Ֆ-89

ԹԻԻ 14.15

ՌԱՅՆԷԿԷ
ԱՂՈՒԵՍԸ

156

20



„MASIS“
 SOCIETATE ANONIMA DE EDITURA
 CAPITAL SOCIAL LEI 500.000
 SEDIUL — BUCUREȘTI — B-dul MARIA No. 8 Etaj II

ԾՆՈՂՆԵՐՈՒ ԵՒ ԳՈՐԾԱԿԱԼՆԵՐՈՒ ՈՒՇԱԴՐՈՒԹԵԱՆ.

«ՄԱՆԿԱԿԱՆ ԳՐԱԴԱՐԱՆ»-ը լրացուց իր Ա. վեցամսեան, լոյս տեսած են 12 հասոր գրքեր 24 պատմութեան, 400 էջերու մէջ, ընտիր քուրդի վրայեւ պատկերազարդ: Գինը խիստ քիչն է անկողմէ, ամէն ընտանիքի մասշտաբի դարձնելու ցանկութեամբ:

Կը խնդրուի փակել առաջին վեցամսեայի հաշիւները՝ դրկելով փոխառժէքը:

ԲԱՅՈՒՄ Է ԵՐԿՐՈՐԴ ԵՌԱՄՍԵԱՅԻ ԲԱԺԱՆՈՐԴԱԳՐՈՒԹԻՒՆԸ:

Պայմաններ՝

Ռումանիոյ համար	Լէյ	110.—
Պուլկարիոյ համար	Լէվա	80.—
Ֆրանսայի համար	Ֆր. Ֆր.	15.—
Գործակալներու համար	մասնաւոր	գեղջ



Տպարան „Աստորիա“
 București, Tipografia „ASTORIA“ Pictor Luchian No. 14 Tel. 43825

855
 \$-89

30 MAY 2011

«ՄԱՍԻՍ» Ռ-ՀԱՅ ՀՐԱՏ. ԱՆԱՆ. ԸՆԿԵՐՈՒԹԻՒՆ
 ՄԱՆԿԱԿԱՆ ԳՐԱԴԱՐԱՆ ԹԻՒ 14-15

ՎԻԼՅԵԼՄ ՖՐՕՆԵՄԱՆ

ՌԱՅՆԵԿԷ ԱՂՈՒԷՍԸ

Գերմ. Թարգ. Օր. է. Սարգսեան



Տպարան „Աստորիա“ Ս. Սարգսեանի
 Բիֆոր Լուչիան 14
 1935

U 6 AUG 2010
30 MAY 2011

835
\$-89

„MASIS“

SOCIETATE ANONIMA DE EDITURA

CAPITAL SOCIAL LEI 500.000

SEDIUL — BUCUREȘTI — B-dul MARIA No. 8 Etaj II

«ՄԱՍԻՍ» Ռ-ՀԱՅ ՀՐԱՏ. ԱՆԱՆ. ԸՆԿԵՐՈՒԹԻՒՆ

ՄԱՆԿԱԿԱՆ ԳՐԱԴԱՐԱՆ ԹԻՒ 14-15

ՎԻԼՀԵԼՄ ՖՐՕՆԵՄԱՆ

ԾՆՈՂՆԵՐՈՒ ԵՒ ԳՈՐԾԱԿԱԼՆԵՐՈՒ ՈՒՇԱԴՐՈՒԹԵԱՆ.

«ՄԱՆԿԱԿԱՆ ԳՐԱԴԱՐԱՆ»Ը լրացուց իր Ա. վեցամսեան, յոյս տեսած են 12 հասոր գրքեր 24 պատմութեան, 400 էջերու մէջ, ընտիր քուղիի վրայ եւ պատկերազարդ: Գինը խիստ քիչ անակուած է, ամէն ընտանիքի մասջելի դարձնելու ցանկութեամբ:

Կը խնդրուի փակել առաջին վեցամսեայի հաշիւները՝ դրկելով փոխարժէքը:

ԲԱՅՈՒԱԾ Է ԵՐԿՐՈՐԴ ԵՌԱՄՍԵԱՅԻ ԲԱԺԱՆՈՐԴԱԳՐՈՒԹԻՒՆԸ:

Պայմաններ՝

- Ռուսաց լեզուի համար Լէյ 110.—
- Պուլկարիոյ համար Լէվա 80.—
- Ֆրանսայի համար Ֆր. Ֆր. 15.—
- Գործակալներու համար մասնաւոր գեղջ




ՌԱՅՆԵԿԷ ԱՂՈՒԷՍԸ

Գերմ. Թարգ. Օր. է. Սարգսեան



Տպարան «Ասորիա» Ս. Սարգսեանի
Բիբոս Լուսինան 14
1935
Պ ա լ Ք Ր Է Շ



ՌԱՅՆԵԿԷ ԱՂՈՒԷՍԸ

Կենդանիներու թագաւոր առիւծը աշխարհի խաղաղութիւնը ապահովելու համար բոլոր կենդանիները իր պայտառ կը հրաւիրէ:

Գարունը եկաւ: Անտառներն ու դաշտերը կանաչացան, խոտ ու տերեւ կը փայլէին մեղմ արեւին տակ: Գարնան գաղջ քամին անոնց բուրմունքը կը տարածէր ծաղկած մարգագետիններուն վրայ: Զինջ արեւը կը փայլէր կապոյտ երկինքին երեսը, իսկ թռչունները կը խայտային օդին մէջ: Եւ վերը՝ կապոյտին մէջ կը ճուռողէին սարեակները:

Այդ ատենները՝ կենդանիներու թագաւոր առիւծը պալատական օր մը նշանակեց: Փողերը հրնչեցին եւ մունետիկները ցրուեցան աշխարհի շորս կողմը:

Զուարթ աղմուկով և ուրախ փողերու կանչով եկան դիւցազուններն ու քաջ ախոյեանները, եկան բոլորը՝ հպարտ հրաւիրեալներն ու մեծ իշխանները, որովհետեւ խաղաղութիւնը պիտի վերահաստատուէր եւ ոչ ոք մէկուն վրաս հասցնել չպիտի կարենար: Զէնքերը վար պիտի դրուէին: Թագաւորը խոստացեր էր նաև զանգստաներ լսել և զրկուածներու դատը տեսնել:



Ո՛վ կրնայ թուել այն բոլոր կենդանիներուն անունները, որոնք շարք շարք դէպի պալատ կը յառաջանային: Արքունի դղեակը հիւրերու քանակէն կ'եռար ու կ'եփէր: Բոլորն ալ յարգանքով առիւծ թագաւորը կը բարևէին:

Բայց ուր որ ալ հրաւիրեալները հաւաքուէին, թէ թագաւորական դահլիճները, թէ բակը կամ վերնագաւիթը, մէկը կար որ անոնց մէջ չէր գտնուեր այդ Ռայնէկէ աղուէն էր: Չափազանց գէշ արարքներով ծանրաբեռնուած էր իր խիղճը, իսկ միւս կողմէն ալ իր Մալէպարտուս ամբողջ թագաւորի դղեակէն աւելի ապահով էր: Ամէն տեղ ուր քանի մը հիւրեր իրարու քով գային, իսկոյն Ռայնէկէի շարութեան մասին կը պատմէին, կը խօսէին իր աւագալուծեան մասին և կը մեղադրէին զինքը: Միայն Իշղարը (*) խուկ կը ձևանար երբ Ռայնէկէի արարքներուն վրայ խօսք ըլլար, որովհետև իր եղբորորդին էր:

Ի՞նչպէս գայլը և ուրիշ կենդանիներ Ռայնէկէէն կը գանգատին:

Առիւծը շրջապատուած իր մեծամեծներով, բազմած էր գահին վրայ: Յանկարծ ներս մտաւ գայլը, շրջապատուած իր ընկերներով, ւզգականներով և ամբողջ տոհմով: Ան այսպէս սկսաւ իր գանգատը.

— Բարձրածնունդ տէր-արքայ, ինձի արգարութիւն և ողորմութիւն շնորհեցէ՛ք. մեղքեցէք այն բոլոր վնասներուն համար որ կրած եմ Ռայնէկէ աղուէսէն: Ան ինձ հասցուցեր է շատ վնասներ և մեծ վիրաւորանքներ: Երեք երեխաներս կուրցուցած է: Անոնք տունը պառկած են աչքերուն լոյսը կորսնցուցած ու յաւիտեան կուրուծեան դատապարտուած: Նոյնիսկ ինձի այդ խաբեբան սուր ծաղրով վիրաւոր-

(*) Աղուէսագգի, գեւեռու կենդանի սը:

րած ու վշտացուցած է:

Յանկարծ առաջ եկաւ փոքրիկ շնիկ մը, որ Ֆրանսերէն կը խօսէր: Ան դառնօրէն գանգատեցաւ թէ ինչքան ինքը թշուառ էր: Անցեալ ձմեռ կտոր մը երշիկ էր ճարեր, ան ալ Ռայնէկէն խլեց:

Յետոյ առաջ նետուեցաւ կատուն, որու աչքերը բարկութենէն կը կայծկլտային.

— Ողորմած տէր արքայ, կրնայ ըլլալ որ դուք Ռայնէկէի թշնամի ըլլաք, որովհետև բոլորս ալ, մեծ ու փոքր, իրմէ կը վախնանք: Սակայն ինչ որ շնիկը պատմեց, այդ շատ տարիներ առաջ էր և երշիկն ալ իմինս էր: Անգամ մը, գիշերը ջաղացք մը հասայ: Չաղացպանը կը քնանար, երշիկը անորմէ գողցայ: Ուրեմն ես եմ երշիկը ձեռք անցուցած, շնիկը ոչ մէկ իրաւունք չունի անոր վրայ:

Հոս յովապր խօսքի մէջ մտաւ և ըսաւ.

— Կատու բարեկամ, ձգէ մէկդի անցած պատմութիւնները. մեզի անոնցմով մի զբաղեցներ: Ռայնէկէն անկիրթին ու անպատիւին մէկն է, գող է և ոճրագործ: Կը գողնայ ու կը յափշտակէ, և նոյնիսկ թագաւորին չպիտի խնայէ եթէ իւղոտ պատառ մը ձեռք ձգելու յոյսը ունենայ: Դեռ երէկ արգիլեցի զինքը, ամէնէն մեծ անիրաւութիւններէն մէկը գործելու: Խօսքս նապաստակի մասին է, որ պատիւը ունիմ ձեզի ներկայացնելու: Խաղաղութիւնը և թագաւորի հրովարտակը պատրուակ բռնելով, ձեռնարկեր էր նապաստակին քրիստոնէական կրօնը և ժամասացութիւն դաս տալ, կ'ուզէր գայն տիրացու ընել: Նապաստակը ստիպուած եղաւ առջևը ծունկի գալու և միասին սկսան պատարագ մատուցանել: Սակայն Ռայնէկէ իր յափշտակիչի բնագգէն չէր կրնար հրաժարիլ: Նապաստակը արգէն իր ճիրաններուն մէջ էր առած և խեղդած կ'ըլլար եթէ դիպուածով այդ ձամ-

բէն շանցնէի: Հեռուէն իրենց երգը լսած էի: Երբ մօտ եկայ, Ռայնէկէ նապաստակը կը խեղդէր. երբ ինծի տեսաւ՝ փախաւ: Մնա՛, կը տեսնէք խեղճ նապաստակին պարանոցի թարմ վէրքը, այս բարեպաշտ մարդը որ դեռ ոչ ոքի վատութիւն չէ ըրած: Կը կրկնեմ, տէր թագաւոր և դուք քաջ ընկերներ, եթէ այս գողը, աւագակը շարունակէ թագաւորի յայտարարած խաղաղութիւնը անպատիժ խանգարել, շատերը թագաւորը պիտի մեղադրեն, և իրեն ու իր երախաներուն տարիներ շարունակ չպիտի ներեն:—

Գայլը աւելցուց.


— Ի հարկէ՛, շատ ճիշդ է, Ռայնէկէ պէտք է պատժուի: Անոր մահը բոլորիս ալ օգտակար պիտի ըլլայ, և պիտի կարենանք խաղաղ կեանք վարել: Իսկ եթէ նորէն ներէ՛ք, այն ստեն ա՛լ աւելի յաճախ պիտի խաբէ մեզի:

Իշդարը թագաւորին առջև կը պաշտպանէ Ռայնէկէն:

Իշդարը Ռայնէկէի եղբորորդին էր: Այդ պատճառով աղուէսին հոգը վրան առաւ, թէև աղուէսը կեղծաւոր ու վատ մարդ էր, և ըսաւ յանդուգն եղանակով.

— Պարոններ, թշնամիին բերնէն գովաւանք ո՛չ ոք չի սպասեր: Այդ ապացուցիք հօրեղբորս նկատմամբ: Եթէ անձամբ պալատ եկած ըլլար և թագաւորը զինքը մարդասիրօրէն ընդունէր, այն ստեն պիտի գգուշանայիք զինքը զրպարտելէ, յանդիմանելէ և մեպի այստեղ անցած-գացած պատմութիւններով զբաղեցնելէ: Ձեր իրեն հասցուցած վնասներուն վրայ խոհեմութեամբ լռեցիք:

Յայտնի է որ, ձեզմէ՛ թագաւորին առջև կանգնած պարոններէն ոմանք, Ռայնէկէի հետ դաշինք են կապած: Կ'ուզէիք հաւասար ընկերներու նման ապրիլ և հոգն ու վտանգը իրարու հետ տանիլ: Սակայն անգամ մը, սաստիկ ցուրտ ձմեռուան մը ընթացքին,



Ռայնէկէ Բանի մը ձուկ վարճեցեց...

քիչ մնաց որ հօրեղբայրս գայլի ազահութեան զո՛ն երթար: Սայլապան մը, սայլին վրայ մեծ տակառ մը ձուկ բեռուցած կ'երթար: Գայլը սիրով պիտի ուզէր

ձկներէն ճաշակել, բայց դրամ չունէր վճարելու: Այն ժամանակ հօրեղբայրս ստիպուած եղաւ ճամբուն վրայ երկննայու և սատկած ձկանայու: Երբ սայլապանը մօտեցաւ, շուտ մը սայլէն վար ցատկեց, սուրը դուրս քաշեց և կ'ուզէր հօրեղբայրս սպաննել: Սակայն երբ հօրեղբայրս տեղէն չշարժեցաւ, սայլապանը զայն մեռած կարծեց: Օ, ինչպիսի վտանգի մէջ էր հօրեղբայրս: Բայց և այնպէս այդ քայլը առաւ գայլին համար: Սայլապանը զայն նետեց կառքին վրայ և միտքը դրաւ մորթը վրայէն հանել: Երբ սայլը ճամբան շարունակեց, Ռայնէկէ քանի մը ձուկ վար նետեց, զոր կառքին ետևէն քաշն ի քաշ եկող գայլը ազահաբար կը կլլէր: Ռայնէկէն ալ սիրով պիտի ուզէր ձկներէն մաս մը ունենալ. բայց երբ սայլէն վար ցատկեց, գայլը ամբողջը լափած էր և միայն փուշերն էր ձգած: Զանոնք շարութեամբ Ռայնէկէին հրամցուց: Անտարակոյս, գայլը պայթելու շափ ստամոքսը լեցուցեր էր. ստիպուած եղաւ բժիշկին երթալ և լեղի դեղեր կլլել:

Ուրիշ անգամ մըն ալ Ռայնէկէ գիր խոզ մըն էր գտած, որ կախուած էր խարոյկի վրայ՝ ծուխին մէջ: Ռայնէկէ պատուհանէն ներս սողոսկեցաւ, վար բերաւ խոյը և դուրսը՝ գայլին նետեց: Բայց շները վրայ հասան և իր աղուոր մորթը պատուեցին: Երբ անոնց ձեռքէն ազատեցաւ՝ գայլին մօտ գնաց և իր բաժինը պահանջեց: Գայլը սակայն հեգնական բառերով իրեն նետեց այն փայտէ կեռը որուն վրայ կախուած էր խոզը. «Ա՛ս առ կեր, և լաւ մը կրծէ՛ աղեկ մը կը գիրնաս առով», հեգնեց ան: Ռայնէկէ անօթութենէն չէր կրնար խօսիլ: Երևակայեցէ՛ք թէ ի՞նչ կը մտածէր անիկա այդ վայրկեանին: Վատ թարագոյնը սակայն պիտի չպատմեմ: Թող ի՞նքը, Ռայնէկէն ըսէ, երբ պալատ գայ: Նապաստակն ալ

Ռայնէկէն կը գանգատի, հեքեաթներ կը պատմէ և օճառի պղպղակներ կ'արձակէ: Իր դասը չէր սորված՝ այս է ամբողջը. այդ պատճառով Ռայնէկէ պէտք է զինքը պատժէր: Անտակ տղաքներու թիւը որչափ պիտի շատնար, եթէ բոլոր անառակութիւններն ու տղայամտութիւնները անպատիժ մնային: Ինչո՞ւ կը գանգատի շնիկը: Այն երշիկը, զոր Ռայնէկէ ձեռքէն խլեց՝ գողցուած էր: Երբուրնէ՞ գողի ձեռքէն աւարը խլելը աւագակութիւն կը համարուի: Գողերը պէտք է հետապնդել և պատժել: Ո՞վ կրնար Ռայնէկէն կշտամբել, եթէ գողը կախազան հանէր: Հրաժարեցաւ ատկէ՝ որովհետև միայն թագաւորը իրաւունք ունի մահուան դատապարտելու: Ո՛չ, Ռայնէկէ արդար է, ան ոչ մէկուն վրաս չի հասցընէր: Այն ժամանակէն սկսեալ, երբ թագաւորը խաղաղութիւն յայտարարեց, որսի չ'եկեր այլևս: Օրուան մէջ անգամ մը միայն կը ճաշէ և կ'առանձնանայ վանականի մը նման: Տարիէ մը ի վեր միս չէ կերած, ոչ որսի ոչ ալ հաւի: Լքած է իր Մալեպարտուս դղեակը և իրեն համար վանք մըն է շինած: Հոն կ'ապրի մինակը, մտպէ շապիկ մը հագած, կը տանջէ ինքզինքը, և իր հին մեղքերը կը քաւէ: Անօթութենէն ու ծարաւէն բոլորովին տժգուներ ու նիհարցեր է: Ինչո՞ւ կը մեղադրէք զինքը այս տեղ՝ ուր չի կրնար պաշտպանուիլ: Եթէ այստեղ ըլլար, ոչ ոք չպիտի համարձակէր իրեն դէմը խօսք մը ըսել:

Արջը՝ խոր սուգի մէջ կը ներկայանայ թագաւորին և Ռայնէկէն կ'ամբաստանէ որպէս ոճրադործ:

Հապիւ թէ Իշղարը վերջացուց, երբ աքաղա-

ղը իր ամբողջ տոհմին հետ միասին թագաւորին պալատը հասաւ: Պատգարակի մը վրայ դազաղի մէջ բերած էին մեռած հաւ մը: Ռայնէկէն գայն սպաննած և վիզն ու գլուխը կրծած էր: Պարոն ա- քաղաղը մօտեցաւ թագաւորին և ըսաւ.

— Ողորմած տէ՛ր, տէ՛ր թագաւոր, ուշադիր եղէք խօսքերուս ողորմածութեամբ, և մեղքէ՛ք ինձ ու երեխաներուս հասած դժբախտութեանը համար: Յուրա ձմեռը անցեր էր, խոտ ու ծաղիկ կը գարդարէին դաշտ սւ մարգագետին, ծառերը կա- նաչ տերևներով ծածկուեցան. ամբողջ բնութիւնը շքեղօրէն դարդարուեցաւ: Ես բոլորովին ուրախ էի, որովհետև երկու անգամ տասը տղայ էի մեծցուցեր, և կինս ալ, Մարին, երկու անգամ եօթը աղջիկ էր թխներ: Բոլորն ալ ժիր ու առողջ էին և բակին շուրջը՝ զոր վանականները ամուր պարիսպով մը շրջապատեր էին, իրենց համար ուտելիք կը փնտոէ- ին: Վեց ժիր ու համարձակ շուներ վանքը կը պաշտպանէին: Անոնք պատիկներուս վրայ ալ կը հակէին, հետերնին կը խաղային և շատ կը սիրէին դանոնք: Սակայն Ռայնէկէն գիշերը պարիսպներուն շուրջը կը պտտէր, լրտեսելու համար թէ ի՞նչպէս կրնայ ներս սողոսկիլ: Վատ աւագակը կ'ատէր մեզ և մեր խաղաղ կեանքը: Երբ շները իրեն հոտը կ'առ- նէին, ստիպուած էր արագօրէն փախիլ, եթէ ոչ դինքը կը բզբտէին: Բայց անգամ մը բռնե- ցին և լաւ մը մորթը ճմութկեցին: Ժամանակ մը հանգիստ ըրինք: Շուտով նորէն եկաւ, այս անգամ վանականի հագուստներով. ինծի նամակ մը յանձ- նեց, որուն վրայ Չեր կնիքը կար: Այնտեղ գրուած էր որ երկրի մէջ խաղաղութիւն և ամէն մէկուն ապահովութիւն էիք խոստացեր: Ռայնէկէ աւելցուց թէ ճգնաւոր էր եղեր, լուրջ ուխտ էր ըրեր և

մեղքերը պիտի քաւէր: Այնպէս որ պէտք չունե- ինք իրմէ վախնալու, այլևս կրնայինք ապահովու- թեան մէջ ապրիլ: Իբր թէ բոլորովին միս ուտելէ հրաժարեր էր: Ինծի ցուցուց իր վանականի սքեմը և պարեգօտին տակը՝ մաղէ հագուստ մը: Ներկայա- ցուց ինծի նաև վանահայրէն վկայական մը: Հրա- ժեշտ առաւ ինձմէ երկիւղած ողջօյնով մը և ըսաւ. «Վանքս կը վերադառնամ, դեռ քանի մը պատուիր- ուած աղօթքներ ունիմ կարդալիք:» Եւ հեռացաւ աղօթագիրքը կարդալէն: Որովհետև ուրախ էի ու անհող, կանչեցի երեխաները և Ռայնէկէի բերած լուրը յայտնեցի իրենց: Որչա՛փ ուրախացան: Բարձ- րաձայն գոռալով ու գոչելով ցրուեցան վանքի առ-



Ռայնէկէ մեզի յրեւոյն եր...

Ղի ծաղկած մարգագետին վրայ:

Ռայնէկէ մեզի լրտեսեր էր. երամը դար- պատէն անդին բշեց, իմ ամէնէն աղուոր պատիկս բռնեց ու բզբտեց: Զարմացած՝ բակն էինք փախեր: Սակայն սյդ ժամանակէն սկսած, ալ մեզի ոչ ոք չէր կրնար պաշտպանել: Օր ու գիշեր դարան կը լարէր մեր դէմ եւ մէկը միւսին ետևէն երեխանե- րու կը յափշտակէր: Մարտափով անոնց թիւին նը- ուաղիրը կը տեսնէի: Վերջ ի վերջոյ մնացինք հինգ

հոգի, զոր Ձեր սուղեր կը տեսնէք: Իմ ամէնէն սի-
րելի աղջիկս, որ այստեղ պատգարակին վրայ Ձեզ
կը բերեմ, զեռ երէկ խեղդեց, սակայն շները զին-
քը փախցուցին: Ողորմեցէ՛ք ինձի, կը տեսնէք ինչ
զժբախտութեան մէջ եմ:

Թագաւորը իր իշխաններուն հետ
խորհուրդ կ'ընէ. կ'ուզեն աղուէսի
չար արարքը պատժել մեռած հաւը
կը թաղեն:

Աքլորի գանգատը մեծ գայրոյթ պատճառեց



Թագաւորին և ամբողջ ժողովին: Թագաւորը հեզ-

նանքով դարձաւ իշղարին.

— Կը լսե՛ս, պարոն իշղար, թէ ի՛նչպէս քու
հօրեղբայրդ՝ առաքինի կրօնաւորը, ծոմ կը պահէ ու
կ'ապաշխարէ: Ի՛նչ պէտք կայ շատ խօսելու: Պիտի
զղջայ այս ոճիրին համար:

Յետոյ դարձաւ մեղմ բառերով աքլորին. «քու
աղջկան՝ բարի հաւին մահուան համար հատուցում
պիտի տրուի: Յուզարկաւորութիւն մը ընենք: Յետոյ
իշխաններու հետ խորհուրդի պիտի նստիմ, տես-
նենք թէ ի՛նչպէս պիտի կարենանք աւելի լաւ հա-
տուցում ընել»:

Այսպէս՝ բոլոր կենդանները, երիտասարդ թէ
ծեր, մէկտեղ կանչուեցան պատարագ մատուցանե-
լու համար: Գեղեցիկ թաղման շարականներ երգեցին,
խմբով եւ մեներգներով: Յետոյ հանդիսաւոր թափո-
րով մեռելը գերեզման տարին և առատ արցունքներ
թափելով թաղեցին: Հողաթումբին վրայ դրուեցաւ
ծանր մարմարիոն մը փայլուն հայելիի մը նման
յղկուած, և վրան գրուեցաւ հետևեալ տապանագիրը,

«Հաւիկ քուրիկին»

«Այս քարին տակ կը հանգչի
է՛ն լաւ դուստրը աքլորի.
Ան շատ հաւկիթներ կ'ածէր,
Գուշուջ կ'ընէր, կը բրէր:
Ռայնէկէն վիզը խածաւ,
Թող ամբողջ աշխարհ գիտնայ,
Ան քաջաբար զոհուեցաւ,
Կ'ողբանք մենք զինքը՝ ահա՛:»

Թագումէն վերջ, թագաւորը իր քով կանչեց
իշխանները: Բոլորին ալ ատելի էր աղուէսը, և բո-
լորն ալ եռանդով կը պատրաստուէին վրէժնին հա-

նել: Վերջ ի վերջոյ, որոշեցին պալատ հրաւիրել: Պէտք է հանդիսաւոր կերպով հրաւիրուէր, արջը պատգամաւոր պիտի երթար:

Արջը նամակով մը ազուէսին մօտ կը գրկեն. կը գտնէ ազուէսը և հետը կը խօսի:

Թագաւորը դարձաւ արջին.

— Պէտք է ստանձնես Ռայնէկէն հրաւիրելու պաշտօնը: Կը հրամայեմ քեզի՝ խոհեմ եւ շրջահայեաց ըլլալ, որովհետև Ռայնէկէ չափազանց խորամանկ ու նենգամիտ է: Ան պիտի աշխատի քեզ խաբել. պիտի զգուէ ու շողորթի:

Արջը պատասխանեց հանդարտօրէն.

— Հանգիստ եղէ՛ք, ան ինձի չկրնար խաբել: Եթէ այդպիսի բան մը փորձէ ես անոր ցոյց կուտամ:

Հպարտ ու անբարտաւան՝ արջը ճամբայ ինկաւ: Նախ՝ սկսաւ սարն ի վեր բարձրանալ, յետոյ շտապեց ընդարձակ անապատի մը մէջէն քայել. ճամբան կը տանէր դէպի երկու գագաթներ, որոնք կ'երևային հեռուն՝ հորիզոնին վրայ: Այնտեղ էր Ռայնէկէի որսատեղին: Նոյն տեղը, Ռայնէկէ գեղեցիկ ամրոցներ ունէր: Ամէնէն լաւը՝ Մայէպարտուն էր. հոն կ'ապաստանէր երբ բանէ մը կը վախնար: Երբ արջը հասաւ դղեակին առջևը, դուռը գոց գտաւ: Այն ատեն սկսաւ մտածել ուրկէ՞ սկսի. սակայն ճար մը չգտաւ: Այդ պատճառով պոռաց. «Ռայնէկէ բարեկամ, տո՛ւնն ես: Էս արջն եմ, թագաւորին պատգամաբերը: Թագաւորը երգուեցաւ որ եթէ չհերկայանաս պալատը՝ թագաւորական ատեանին առջև

քեզ մահուան պիտի դատապարտէ: Խստօրէն հրամայեց որ ինձի հետ գաս: Ի նկատի առ որ քու անհնազանդութեամբդ թագաւորին շնորհը կը կորսընցնես և ինքզինքդ կախաղանի սպառնալիքին տակ կը դնես: Այնպէս որ խորհուրդ կու տամ՝ ինձ հետ գալ:»



Ռայնէկէ բարեկամ, տո՛ւնն ես...

Ռայնէկէն ամէն ինչ իմացեր էր: Ամրոցին մէջ դարանակալ՝ ինքն իրեն կ'ըսէր. «Ախ, եթէ կարենալի արջուն յանդուգն խօսքերուն համար աղուոր դաս մը տալ... Ի՜նչ ալ անախառօրէն կը խօսի, անբարտաւան ստահակ»: Ռայնէկէ զգուշօրէն մտածեց և յետոյ դուրս գալով արջուն մտերմաբար բարի գալուստ մաղթեց:

Ռայնէկէն սկիզբը մեծ հոգի մէջ էր, կասկածելով թէ արջը եկած է բազմաթիւ զօրքով: Կարծեր էր, որ այդ զուոյ խօսքերով կ'ուզէր զինքը զրգոել, խորամանկութեամբ ամրոցէն դուրս հանել և ձերբա-

կայել: Գուռի ճեղքէն լաւ դիտեց ու տեսաւ որ ար-
ջը մինակը գարնան արեւին տակ կը թաւալի. կաս-
կածները փարատեցան. զօրք չկար: Գոհ սրտով դուրս
ելաւ արջը դիմաւորելու և մտերմաբար ըսաւ թա-
գաւորական պատգամաւորին.

— Բարի եկար, արջ հօրեղբայր, իմ ամբողջս:
Ներէ որ քեզ անմիջապէս չընդունես: Նախ պէտք է
իրիկուան ազօթքս ընէի. յոյսով եմ, ինծի համար
բարի լուր բերած ես: Ինչո՞ւ այդ յոգնեցնող պաշտօ-
նը քեզի են յանձնած. քրտնած ես, մազերէդ ջուր
կը վազէ: Մեր թագաւորը, մեծափայլ արքան, մի-
թէ ուրիշ պատգամաբեր չգտա՞ւ և ճիշդ քեզ զրկեց,
քեզ՝ ամէնէն մեծ ու ազնուական անձը, որ կարելի է
գտնել ամբողջ պալատին մէջ: Բայց և այնպէս ու-
րախ եմ որ դուն ես եկողը, որովհետեւ կրնաս քու
խելացի խորհուրդներովդ ինծի օգնել: Եթէ եկած
չըլլայիր, ես ինքս ճամբայ պիտի ելլէի թագաւորին
պալատը գալու համար: Իրօք այ ինքզինքս լաւ չեմ
զգար և հազիւ թէ կրնամ քայել: Անձանօթ ուտելիք
մը գտայ որմէ շատ ուտելուս նուազիւս կու գայ:
Նայէ՛ որչափ փքուած է ստամոքսս:» Արջը հարցուց
կարեկցութեամբ. «Ի՞նչ է ուրեմն կերածդ»: Ռայնէ-
կէ պատասխանեց. «Ի՞նչ օգուտ անունը ըսել: Գէշ
կերակուր մը ձեռքս ինկաւ, որովհետեւ աղքատ մարդ
եմ և ոչ թէ կոմս: Երբ աւելի լաւ բան չգտնեմ մեզրի
շերտերով այ գոհ կ'ըլլամ: Միայն սովէն մարելուս
համար էր որ կերայ: Ատոր համար է որ
փորս այսքան ուռած է և ցաւերուն այ չեմ կրը-
նար տոկայ:»

Երբ արջը մեզրին անունը լսեց, բերնի ջու-
րերը վազեցին: Հիացած բացազանչեց.

— Օ՛, այս ի՞նչ կը լսեմ, այդչափ չնչին բանի
տեղ կը գնես մեզրը: Մեզրը իմ ճանչցած կերակուր-

ներէս ամէնէն լաւն է: Քեզմէ շատ շնորհակալ պի-
տի ըլլամ և ամենուրեք քեզի պիտի օգնեմ, եթէ դուն
այ ինծի օգնես մեզր ձեռք բերելու:

— Կատակ մի՛ ընէր, հօրեղբայր արջ, ըսաւ Ռայ-
նէկէ, ի՞նչպէս կրնայ անհամ մեզրը քեզ այդչափ հա-
մեղ թուիլ:

— Ա՛խ ո՛չ, ըսաւ արջը, իրաւ որ կատակ չեմ ըներ:

Այն ատեն Ռայնէկէ սկսաւ պատմել.

— Այստեղ, մեզի շատ մօտիկ, մեղուաբուծ
մը կ'ապրի: Այնքան մեծ քանակութեամբ մեզր ունի
որ դուք և ձերինները միասին չէք կրնար բոլորը ուտել:
Արջը՝ զրգոռած ախորժակով, ըսաւ.

— Շո՛ւտ, ինծի ճամբան ցուցուր, քու այս ծա-
ռայութիւնը առատօրէն պիտի վարձատրեմ: Եթէ
ինծի մեղրով կշտացնել կ'ուզես պէտք է քիօներով տաս:
Ռայնէկէ պատասխանեց.

— Պատրաստ եմ քեզ հոն առաջնորդելու:
Թէև տկար եմ, սակայն քու հանդէպ զգացած
համակրութիւնս և դէպի թագաւորի պատգա-
մաւորը տածած յարգանքս ուժ պիտի տայ ինծի:
Ոչ ոքի այնքան սիրով այս ծառայութիւնը չպիտի
մատուցանէի, որչափ քեզի: Կրնաս ինծի օգնել թա-
գաւորական ատեանին առջև թշնամիներուս դէմ
պաշտպանուելու համար: Այսօր այնքան պիտի կըշ-
տանաս որ այլևս մեզր չուզես:

Արջը դեռ կ'ուզէր մեզրի մասին լսել, մինչ
Ռայնէկէ կը մտածէր այն ուժեղ հարուածներուն
մասին, որ մեղուաբուծը պիտի իջեցնէր արջի գըլ-
խուն: Ռայնէկէ հովի պէս դուրս թռաւ արջն այ ե-
տեւէն, առանց երկար մտածելու՝ կոյր ազահուլութեամբ
լեցուած: Այսպէսով հասան գիւղացիին տան առջև:

2960 - 2010



Ռաջնէկէն արջը կը խաբէ և գը-
լուխն ու ոտքերը ծառին բունին մէջ
կը ճզմէ:

Երեկոյ էր. բակը մթութեան մէջ խորատուղ-
ուած: Ռաջնէկէ ասդին անդին երկնցած ծառի բու-
ներու մէջէն սողակեցաւ: Շուտով գտաւ կաղնի մը,
որ պիտի կտրուէր և որու մէջ երկու տափակ սեպեր
կային խրուած: Կոճղին մէկ ծայրը արդէն կանգունի
մը չափ ճեղքուած էր: Ռաջնէկէն ճեղքը հոտոտեց և
այնպէս ձևացուց՝ իբր թէ հոնկէ հրաշալի բուր-
մունք մը կ'ելլէր:

— Հօրեղբայր արջ, ըսաւ, այս ծառին մէջ աւելի
մեղր կայ քան թէ դուն կրնաս ուտել. միայն թէ
զլուխդ շատ խորը կոխէ. չըլլայ որ չափէն աւելի ու-
տես՝ որպէսզի դուն ալ ինծի պէս չհիւանդանաս և
ցաւը աղիքներդ դանակի պէս չկտրէ:» Արջը ազա-
հութեամբ զլուխը մինչև ականջները ճեղքին մէջ կո-
խեց և ուզեց առջևի թաթերով մեղրին հասնիլ: Մա-
կայն Ռաջնէկէ մեծ ուժով սեպը կոճղէն դուրս քա-
շեց և կոճղի երկու մասերը իրարու վրայ եկան: Այս-
պիսով արջը խայտառակ կերպով բռնուած էր կոճղի
ճեղքին մէջ, որ հսկայ աքցանի մը նման ոտքերն ու
զլուխը իր մէջն էր առած: Այն ատեն սկսաւ ոռնայ
ու տքալ: Ուժով մը ինքզինքը թոթուեց՝ ազատելու
համար: Ետևի ոտքերով աւագը կը փորէր: Այնչափ
մեծ ազմուկ ըրաւ որ մեղուաբուծը արթնցաւ և
շտապով անկողինէն վար ցատկեց: Ի՞նչ կը նշանա-
կէր այս գոռում գոչումը: Շուտ մը սուր կացին մը
առաւ և բակը վազեց: Այնտեղ, կաղնիի բունին քո-
վը գորշ զանգուած մը տեսաւ, որ խենդի պէս ան-
դին-ասդին կը ցատկուէր, կ'ոռնար, կը հևար ու կը

տքար: Երբ Ռաջնէկէ գիւղացիին գալը և գիշերուան
մթութեան մէջ փայլող կացինը տեսաւ, փախուտով
ճամբան բռնեց և պոռաց արջին երեսն ի վեր. «Ի՞նչ
կ'ըսես, արջ եղբայր, համո՞վ է: Կը տեսնեմ որ մեղ-
ուաբուծը կու գայ. անկասկած կ'ուզէ քեզի օգնել
մեղրը դուրս հանելու համար:» Յետոյ արագօրէն
ցանկապատին վրայէն ցատկեց և անյայտացաւ Մա-
լէպարտուսի ուղղութեամբ:

Բռնուած արջը գիւղացիներէն
ծեծ կուտէ, սակայն կ'ազատի ու կը
փախի:

Մեղուաբուծը զգուշօրէն մօտեցաւ մռնչող գա-
ղանին, որ խելագարածի պէս կոճղին շուրջը կը ցատ-
կուէր: Երբ տեսաւ բռնուած արջը, շտապով գիւղ-
վազեց ու հասաւ պանդոկը, ուր դեռ քանի մը ուշա-
ցած ճամբորդներ նստած էին. «Շուտ մը ինծի հետ
եկէ՛ք, պոռաց շտապով, բակին մէջ արջ մըն է բռ-
նուեր:» Բոլորն ալ վեր ցատկեցին և ամէն մէկը երկ-
ժանիք մը, բրիչ մը, կացին մը առնելով դուրս խու-
ժեցին: Արջը լսեց ազմուկն ու աղաղակը: Վախին
սաստկութենէն այնքան ուժով քաշեց որ՝ յաջողեցաւ
զլուխը ազատել, սակայն ականջները, մազերը, կա-
շին, ինչպէս նաև ճանկերը ծառին մէջ մնացին:
Բրդգլուած կենդանին ոտրմելի տեսք մը ունէր. ա-
րիւնը առատօրէն զլուխէն կը հոսէր: Յաւէն կատ-
ղած՝ արջը մռնչեց և մեծ ուժով ոտքերն ալ ազատեց:
Սակայն այստեղ ալ կաշին ճեղքին մէջ մնաց: Ու-
ժասպառ՝ խոտին մէջ ինկաւ. ոչ կրնար քալել, ոչ ալ
ոտքի կենալ:

Մինչ այս, մինչ այն, գիւղացիները վրայ էին

հասեր մօտեցեր էին ու ամէն կողմէ կը հարուածէին: Վերջն ալ ցատկուտելով վրայ հասաւ մեղուաբուծին եղբայրը, օգին մէջ ծանր բիր մը ճօճեց և արջին գլխուն նետեց: Այն ատեն արջը կատաղածի նման փորձեց վեր ելլել ու վայրի ոստումով մը օգնութեան հասնող կիներուն մէջտեղը ինկաւ: Ասոնք սկսան վախէն պոռալ ու կանչել և քանի մը հատն ալ առջնին վազող գետակին մէջ գլորեցան: Այն ատեն արիւնուռչտ մարդիկ ինքզինքնուն եկան. արջը ձրգեցին և ձողեր բերին կիները սպասելու համար: Այս միջոցին արջը յաջողեցաւ գետակին հասնիլ և զգայազուրկ շրերուն մէջ նետուեցաւ: «Վերջս հասած է» մտածեց ան, «բայց աւելի լաւ է խեղդուիմ, քան թէ հարուածներուն տակ մեռնիմ:»

Բայց, ո՞վ հրաշք, արջը սկսաւ լողալ և գիւղացիները տեսան թէ ինչպէս կը հեռանար: Սկսան պոռալով ափն ի վեր վազել. «Չեռքերնուս ազատեցաւ, ամօթ մեզի. սակայն կիներն են յանցաւորը»: Ասոնք՝ բոլորովին թրջուած, տուն կը փախէին: Իսկ մարդիկ ջան մըն էին վառէր ու ծառի բունը կը լուռաւորէին: Այնտեղ սկանչներուն և թաթերուն մորթը գտան: Այս ատենով՝ սաստիկ ուրախացան և գոչեցին շարութեամբ. «նորէ՛ն հրամմէ՛, անպատիւ աւազակ. ականջներդ ու ձեռնոցներդ գրաւ կը պահենք:»

Այս կերպով՝ արջը վնասէն զատ անպատուութիւն ալ կրեց: Հոսանքը արագօրէն գինքը առաջ կը բշէր: Գետին մանուածապատ մէկ շրջանին ոտքին տակ ցամաք զգաց և ցամաք ելաւ: Գրեթէ կիսամեռ՝ գետին տարածուեցաւ. ո՞րչափ կը ցաւէին գլուխն ու թաթերը. և հառաչեց. «Այս Ռայնէկէ՛, կեղծաւոր արարած, ի՛նչ թշուառ գրութեան հասցուցիր զիս:»

Արջը կը վերադառնայ պալատ և Ռայնէկէէն կը գանգատի:

Մեծ տանջանքով և բարձր վայնասուն արձակելով, կաղալով ու քարշ գալով արջը շարունակեց ճամբան, և չորրորդ օրուան իրիկունը թագաւորին պալատը հասաւ: Երբ մօտեցաւ, բոլոր կենդանիները շտապեցին ընդառաջ գալու և թագաւորին առջև առաջնորդեցին: Այս վերջինս զարմացած էր: «Ի սէր Աստուծոյ, ասիկա մեր ա՞րջն է: Այս ի՞նչ կերպարանք ունի: Ո՞վ ըրաւ ասիկա:» Արջը հագիւ կրնար ոտքի կենալ: Խղճալի ձայնով ըսաւ.

— Տէ՛ր, ձեզի կը գանգատիմ իմ թշուառութեանս համար: Գլխուս եկածը Ռայնէկէի գործն է: Անամօթը ինձ դաւաճանեց:

Թագաւորը զայրոյթով վեր ցատկեց և որոտաց.

— Պատուոյս և թագիս վրայ կ'երգնում որ արջին կրած նախատինքին վրէժը պիտի լուծեմ:

Կանչեց իր խորհրդականները որոշելու համար թէ ի՞նչպէս Ռայնէկէն ձեռք բերեն: Ասոնք որոշեցին Ռայնէկէն անգամ մըն ալ հրաւիրել և կատուն իբրև երկրորդ պատգամաւոր զրկել: Թագաւորը այս առաջարկը ընդունեց:

Կատուն երկրորդ պատգամով Ռայնէկէի քով կը զրկուի: Ռայնէկէ կ'ընդունի ու կը դաւաճանէ անոր:

Թագաւորը կատուն իր մօտ կանչեց.

— Ռայնէկէին յայտնէ, որ իսկոյն գայ: Եթէ չգայ, զինք և իր ամբողջ տոհմը կը կոտորեմ: Թո՛ղ նկատի առնէ ասիկա:

Կատուն հոգի մէջ ինկաւ :

— Աւելի լաւ ուրիշ պագամաւոր մը զրկեցէք : Ահագին արջը չկրցաւ Ռայնէկէի հետ գլուխ ելլել , ես ինչպէ՞ս պիտի յաջողիմ :

Թագաւորը պատասխանեց .

— Կան փոքր կենդանիներ , որոնք շատ աւելի խորամանկ և խոհեմ են քան մեծերը : Թէև հասակով մեծ չես , բայց իբրև շատ խելացի , իմաստուն և գիտուն մէկը ճանչցուած ես : Կատուն ըսաւ .

— Թող Ձեր կամքը ըլլայ :

Կատուն երբ Մալէպարտուս հասաւ , Ռայնէկէ զրան առջեւ նստած էր : Իր պզտիկները շուրջը կը խաղային և գողցուած իւզոտ բաղ մը կը պատրուէին : Կատուն բարեկամաբար բարևեց աղուէսին .

— Բարի՛ երեկոյ , խնամի Ռայնէկէ : Թագաւորին կողմէ կու գամ : Կեանքդ վտանգի մէջ է : Եթէ ինձի հետ պալատ չգաս՝ քեզ և քու տոհմիդ կործանում կը սպառնայ : Ռայնէկէ պատասխանեց .

— Բարի՛ եկար , խնամի կատու : Աստուած քեզի ուժ ու յաջողութիւն տայ :

Այդ գեղեցիկ խօսքերը կեղծ էին : Կատուն անոր աչքերուն նենգաւոր կայծկլտուքը չնկատեց : Ռայնէկէ կը մտածէր թէ ի՞նչպէս կատուն խայտառակէր և ամօթով պալատ զրկէր : Սակայն սիրալիր կերպարանքով մը դարձաւ այցելուին .

— Այսօր իմ հիւրս ես և գիշերը իմ քովս կը մնաս : Առտուն կանուխ միասին պալատ կերթանք : Ձէի գիտեր ազգականներէս որո՞ւն հետեիլ : Ագահ արջը ամբարտաւանօրէն քովս եկաւ և նոյնիսկ չրժածկեց ալ ոխը : Ոչ մէկ գնով անոր հետ չէի երթար . քեզի հետ երթալ ինձի մեծ պատիւ է :

Կատուն ըսաւ սակայն .

— Պիտի նախընտրէի որ իսկոյն երթայինք :

Պայծառ լուսինը կը փայլի մարգագետիններու վերայ , օդը պայծառ է և ճամբան ալ յարմար :

Ռայնէկէ պատասխանեց .

— Ո՛չ , գիշերային ճամբորդութիւնը վտանգաւոր է : Յերեկը ամէն մարդ մեզի սիրալիր կը բարևէ , մինչ գիշերը՝ ոչ ոքի վստահիլ կարելի չէ : Կատուն համաձայնեցաւ :

— Այն ատեն կը մնամ . ի՞նչ կայ ուտելու :

Ռայնէկէ գաղտնի կը հրճուէր և պատասխանեց քաղաքավար կերպով .

— Ի՞նչ կրնամ քեզի հրամցնել : Մենք պարզ կերակուրներով ալ գոհ կ'ըլլանք : Քեզի կրնամ աղուոր թարմ մեղր հրամցնել :

— Ո՛չ այդ ինձի յարմար կերակուր չէ , ընդիմացաւ կատուն , ուրիշ բան մը չունի՞ք տունը , օրինակի համար իւզոտ մուկ մը . իմ ամէնէն սիրած կերակուրս է :

Այն ատեն աղուէսը ըսաւ .

— Մտ է ամբողջ ուզածդ : այստեղ առատ մուկ ունինք : Այստեղէն ոչ շատ հեռու քահանայ մը կ'ապրի : Տանը կից՝ շտեմարան մը ունի , ուր մկները կը վխտան : Քանի՛ անգամ եմ լսեր քահանայէն որ այդ անպիտանները գիշեր-ցերեկ անագին վնասներ կը պատճառեն իրեն :

Կատուն պատասխանեց անմիջապէս .

— Շատ շնորհակալ եմ բարութեանդ համար : Շուտ մը զիս այնտեղ առաջնորդէ : Աշխարհիս վրայ ոչ մէկ որս այնչափ ճաշակիս չի յարմարիր՝ որչափ մուկը :

Ռայնէկէ ըսաւ զարմացած ձևանալով .

— Եթէ լուրջ կը խօսիս՝ այն ատեն ինձի հետեւ , երթանք քահանային բակը :

Կատուն՝ միամտօրէն աղուէսին ետեւէն վազեց :

Խորշերու և նեղ փողոցներու մէջէն անցնելով հասան շտեմարանի կաւէ պատին առջև: Նախորդ գիշերը՝ Ռայնէկէ ծակ մըն էր բացած պատին մէջ և իւրոտ աքաղաղ մըն էր գողցած: Քահանային տղան Մարտին, ծակը գտեր էր և մէջը սամուր ծուղակ մը տեղաւորեր էր: Սակայն խոհեմ Ռայնէկէն ղիւրու-թեամբ չէր խաբուիր, և զգուշացեր էր երկրորդ անգամ նոյն ճամբով երթալու: Հիմա՝ յարմար առիթ մըն էր կատուն ծուղակը ձգելու: Ու ըսաւ նենգու թեամբ.

— Դուն միայն այս ծակէն ներս սողոսկէ և առատ մուկ պիտի գտնես. աղուոր մը կըտացի՛ր: Կը լսե՞ս ինչպէս կը ծըւծըւան ու կը ցատկուտեն: Այդ միջոցին ես կը հսկեմ ու կը սպասեմ մինչև որ կըտանաս:

Սակայն կատուն անհանգիստ էր:

— Արդեօք վտանգ մը չի՞ սպառնար ինծի. մարդոց շատ ալ վստահելու չէ:

Ռայնէկէ հեզնեց.

— Այդչափ վախկո՞տ ես: Ես քեզի այդպէս չէի կարծեր: Եկո՛ւր վերադառնանք: Կինս քեզի պատուով պիտի ընդունի և քեզ լաւ պիտի հիւրասիրէ, սակայն ոչ միներով:

Կատուն ամօթահար էր: Մէկ ոստումով ծակին մէջ ցատկեց և... ծուղակին մէջ ինկաւ:

Կատուն կը բռնեն ու կը ձեծեն.

մէկ աչքը կը կտրանցնէ:

Երբ կատուն զգաց որ ծուղակն է ինկեր, վախէն մեծ ոստում մը ըրաւ: Սակայն ծուղակը աւելի սեղմուեցաւ: Մարտին անհաստալ՝ սկսաւ ճշտել: Ռայնէկէ լսեց և շարամտութեամբ գոչեց զէպի ծակը.

— Լա՛ւ, լաւ, կատու, կը լսեմ ձայնդ: Մըկները համո՞վ են: Բայց ինչո՞ւ ուտելու ժամանակ կ'երգես. արդեօք պալատական սովորութի՞ւն է: Ետ դարձաւ ու ըսաւ ինքնիրեն. «Կ'ուզէի որ գայլը որոգայթին մէջ ըլլար. այսպէսով վրէժս հանած կ'ըլլայի իրմէ:» Յետոյ շտապով հեռացաւ այդտեղէն, որովհետև կատուն բարձր ու աղիոցորմ ճիչեր կ'արձակէր:

Մարտին ձայնը լսեց. Շտապով անկողինէն վար ցատկեց և ուրախացած բացականչեց.

«Վերջապէ՛ս հաւերու գողը բռնուեցաւ: Հիմա թող վճարէ հաւերս:» Ետև մը լոյսը վառեց և բարձր ձայնով պոռայով ամբողջ տունը արթնցուց:

«Շո՛ւտ ըրէք, աղուէսը բռնուեր է:»

Բոլորն ալ՝ մեծ ու պզտիկ վագելով եկան: Խոհարարուհին ալ ջահով մը երևցաւ: Քահանան փութով թեթև վերարկու մը ձգեց ուսերուն: Մարտին պատէն կախուած նիզակը առաւ, քահանան՝ շամբուր մը: Այսպէս վազեցին դէպի շտեմարան: Ծակին մէջ թափանցող լուսնի լոյսը երեւան հանեց գողը՝ որ որոգայթին մէջ ասղին-անդին կը տապալակէր: Սկսան դայն ձեծել: Հարուածները կը տեղային կատուն գլխուն, վզին ու մէջքին: Մէկ աչքը պայթեցաւ: Այն ատեն, կատուած՝ կատուն քահանային մերկ ոտքերուն միջև ցատկեց, սկսաւ խածնել ու ճանկուտել: Քահանան դարմանքէն պոռաց և ուշաթափ վար ինկաւ: Իսկ խոհարարուհին սկսաւ պոռալ.

«Մատանային մատը կայ այստեղ:»

Իսկոյն ջահը վար դրաւ, Մարտինն ալ օգնութեան հասաւ և միասին վիրաւորը տուն տարին ու մահճակալին վրայ պառկեցուցին:

Յանկարծ կատուն ինքզինքը մինակ գտաւ,

Թշուառ վիճակի մէջ՝ վիրաւորուած ու ծեծուած : Այն ատեն սկսաւ շուանը կոծել սւ բզբտել : Վերջապէս ազատեցաւ եւ մեծ ուստիւնով մը ինքզինքը ծակէն դուրս նետեց : Ամբողջ գիշերը անդադար վազեց և առտուն կանուխ թագաւորին պալատը հա-



Կասուն Բահանային մերկ օտեւուն միջեւ ցտակեց...

սաւ : Վերջին ուժերը հաւաքելով , ցատկեց թագաւորին շուրջը հաւաքուած կենդանիներուն մէջտեղը : Թագաւորը տեսաւ կատուն եւ բարկութենէն մորնչելով ոտքի ելաւ : Իր Խորհրդականները գահին

շուրջը խոնուեցան : Բորորը խառն ի խուռն կը խօսէին : Յանկարծ իշղարը բազմութիւնը ճեղքելով առաջ անցաւ եւ կեցաւ զայրացած թագաւորին առջեւ :

— Այստեղ բազմութիւ գանգատողներ կան , եւ հօրեղբայրս կրնայ վատ մարդ ըլլալ : սակայն կարելի չէ առանց քննութեան ս'եւէ մարդ մը դատապարտել : Պէտք է որ երեք անգամ հրաւիրուի : Եթէ այս անգամ ալ չերեւնայ , դատապարտեցէ՛ք զինքը :

Թագաւորը գոռաց .

— Ո՞վ քաջութիւնը պիտի ունենայ երրորդ անգամ զայն հրաւիրելու : Ո՞վ ցանկութիւն ունի աչքն ու կեանքը կորսնցնելու :

Իշղարը վճռականօրէն պատասխանեց .

— Պատրաստ եմ այդ պաշտօնը կատարելու :

Թագաւորը խաղաղեցաւ :

— Լաւ , սակայն զգուշացիր Ռայնէկէի դակարթներէն :

Իշղարը ըսաւ .

— Անհոգ եղէ՛ք . անպատճառ կը բերեմ :

Երբ իշղար Մալէպարտուս հասաւ , Ռայնէկէն և իր ամբողջ ընտանիքը ամբողջին առջևը գտաւ : Արեւին տակ՝ իր կնոջ և զաւակներուն հետ կը զուարճանար : Իսկոյն հիւրը ներս տարաւ և հիւրասենեակին մէջ «բարի գալուստ» մաղթեց անոր : Սակայն իշղար վերջ դրաւ Ռայնէկէի քաղաքավարական ցոյցերուն և խստօրէն ըսաւ .

— Հօրեղբայր Ռայնէկէ , դուն ճանչցուած , խելացի և կրթուած մարդ ես : Ի՞նչպէս կրնաս թագաւորին հրամանը արհամարել և ծաղրել , իր պատգամաւորները խայտառակել և շարշարել : Գիտես թէ քեզմէ ս'ըչափ կը գանգատին : Այլևս մի՛ ուշանար

երրորդ հրաւերը ընդունելու: Կ'ուզես այնչափ ընել որ բոլոր թագաւորական բանակը գայ և քեզ քու այս ամբողջիդ մէջ պաշարէ՞: Քու, կնոջդ և զաւակներուդ կեանքը պիտի վտանգե՞ս: Խորամանկութեամբ այլևս չես կրնար ազատիլ. խորհուրդիս հետևէ՛ և թագաւորին եկու՛ր:

Ռայնէկէ իր եղբորորդուն պատասխանեց.

— Իրաւունք ունիս, քեզի հետ կուգամ և անձամբ կը պաշտպանուիմ թշնամիներուս դէմ: Թագաւորը միշտ ալ բարեացակամ է գտնուած ինծի նկատմամբ: Շատ անգամ իմ խորհուրդներս օգտակար եղած են իրեն: Ատոր համար միւս կենդանիները զիս այսչափ կ'ատեն: Բաւ է որ թագաւորին աչքին երևնամ որպէսզի բարկութիւնը իջնայ: Ան կը գնահատէ իմ արժէքս: Թէև շատ խորհրդականներ ունի, սակայն ոչ մէկը խելքի տէր մէկը չէ: Ծանրակշիռ հարցերու մէջ, միայն ինձմէ լաւ խորհուրդներ կը ստանայ: Ի՞նչ պէտք ունիմ երկար տատանելու, զուր տեղը տհաճութիւններ առաջ բերելու, կինս ու երեխաներս ալ վախի և թշուառութեան մէջ պահելու: Եթէ թագաւորը ուժի դիմէ, չեմ կրնար իրեն դիմադրել:

Այսպէս՝ Ռայնէկէն պատրաստուեցաւ երթալու: Գրկեց կինը և համբուրեց իր փոքր մանչերը:

Յետոյ ըսաւ իր կնոջ.

— Տղաքս քեզի կը յանձնեմ: Քու պարտականութիւնդ ըլլայ զանոնք լաւ խնամել: Կրտսերը՝ Ռայնհարտ, դեռ շատ պզտիկ է: Դեռ իր դունչը ազուլամազով է շրջապատուած: Օր մը իր հօրը պիտի հաւասարի: Ռօսսէլը աւելի քիչ չեմ սիրեր. պահպանէ՛ երեխաներս:

Այս ըսելով շուտ մը ետ դարձաւ և ձգեց ամբողջը: Իր կինը և երեխաները տխուր-տրտում տու-

նը մնացին:

Ռայնէկէ և իշղար շտապով առաջ կերթային: Ռայնէկէ թոյլ վախ մը զգաց սրտին մէջ և ըսաւ իշղարին.

— Միրելի՛ եղբորորդիս, վախի և հոգի մէջ եմ: Չախողանքէ մը կը վախնամ և նոյն իսկ կարելի է մահ կը սպառնայ ինծի: Շատ պիտի ուզէի խոստովանիլ, սակայն քահանայ չկայ: Աւելի լաւ է որ քեզի խոստովանիմ մեղքերս:

Իշղար պատասխանեց խիտո.

— Խոստովանիլը շատ ալ չպիտի օգնէ քեզի: Չգէ՛ դաւ ու գողութիւն, դադրէ՛ յափշտակելէ, եթէ ոչ չես կրնար արդարանալ:

Ռայնէկէ ըսաւ.

— Գիտեմ: Ուրեմն սկսիմ. ջրասամոյրին և կատուին քանի մը վնասներ եմ հասցուցեր: Նոյնչափ ալ միւս կենդանիներուն, որոնք քովերս կ'ապրին: Հօրեղբայրս՝ արջը, նախ և առաջ դէպի ծառ տարի, յետոյ ալ հոսանքին: Այնպէս անգթօրէն ծեծ կերաւ որ հազիւ կրցաւ կեանքը ապատել: Կատուին ալ մուկ բռնել սորվեցուցի և չուանը վիզը անցուցի: Ան ալ ծեծ կերաւ և մէկ աչքը կորսնցուց: Գրեթէ աքաղաղին բոլոր գնակները յափշտակեցի: Իրաւունք ունի ինձմէ գանգատելու: Յանցանքս մեծ է, կը խնդրեմ որ թողութիւն տաս ինծի: Թագաւորին ալ որոշ վնասներ եմ հասցուցեր և թագուհին ալ վիրաւորեց եմ: Գայլն ալ ամէն կերպով նախասեր եմ: Իրեն հօրեղբայրս կը կոչեմ սակայն այդպէս չէ. վեց տարի առաջ քովս եկաւ՝ էլէմար վանքը: Մեղքերուս պատճառով հոն էի քաշուեր: Ինձմէ խնդրեց որ իրեն ալ օգնեմ վանական ըլլալու: Կը կարծէր որ պիտի կարենար շուտ մը սորվիլ և սկսաւ գանգակները զարնել: Յատկապէս ատ-

կէ հաճոյք կը զգար: Որպէսզի կարենայ այդ հաճոյքը լիովին ճաշակել՝ երկու ոտքերն ալ զանգակի պա-
րաններուն կապեցի: Մակայն այդ շատ ալ պատ-
ուարքեր չեղաւ իրեն համար: Այնքան ուժով կը զան-
գահարէր որ բոլորը վազեցին եկան՝ կարծելով որ
սատանային գործն է: Խօսքերուն ականջ չկախե-
ցին և ծեծելով կիսամեռ վիճակի հասցուցին:

«Ուրիշ անգամ մըն ալ խնդրեց որ զինքը սափ-
րեմ: Ես ալ գլուխը այրեցի՝ այնպէս որ մազերը
խանձեցան և կաշին կուտեցաւ:

«Վերջը իրեն ձուկ բռնել սորվեցուցի: Երբ
պոչը սառոյցին մէջ կոխած հանգիստ մը նստած էր,
գիւղացիները վրայ հասան և աղուոր մը ծեծեցին:
Հապա հարուստ քահանայէ մը ի՞նչ փառաւոր ծեծ
կերաւ: Մարդը երկայն մառան մը ունէր, ուր խոզի
ճարպ կը պահէր: Գայլը ծակ մը բացաւ պատին մէջ
և միսին վրայ յարձակեցաւ: Այնքան մեծ քանա-
կութեամբ կերաւ որ փորը ծանրացաւ և հաստցաւ:
Ես կրնայի գիւրութեամբ ծակէն անցնիլ: Գայլը
կուշտ ուտելէ վերջ տունին առջև աղմուկ ըրի: Քա-
հանային տունը վազեցի, ուր ան նստած էր սեղա-
նին առջև, որու վրայ դրուած էր գեր աքաղաղ մը:
Արագութեամբ վրան ցատկեցի, խորովածը յափըշ-
տակեցի և փախայ: Քահանան իրար անցաւ, վեր
ցատկեց, ոտքը սահեցաւ և ամբողջ սեղանը շրջեց:
Սկսաւ կանչել. «Չարկէ՛ք, վազեցէ՛ք, բռնեցէ՛ք,
սպաննեցէ՛ք:» Փողոցը նորէն սայթաքեցաւ և ցե-
խին մէջ ինկաւ. ամբոխը ետևէս կը վազէր: Ետե-
ւէս քարեր, աւելի կոթեր, շողգամի կտորներ, մուր-
ճեր և կացիներ կը թռէին:

«Շտապով մինչև մառան վազեցի, ուր գայլը
ճիշտ միսի վերջի կտորները կը կլլէր: Այնտեղ նե-
տեցի աքաղաղը որ ալ շատ ծանր կու գար ինձի և

շտապով ճամբաս շարունակեցի: Ամբողջ ժողովուր-
դը մառանին առջևն էր հաւաքուեր: Քահանան ալ,
բոլորովին տիղմով ծածկուած, ետևէն կու գար: Ա-
քաղաղը գետինէն վերցուց և շարունակեց կանչել.

«Ծեծեցէ՛ք բարեկամներ, սատկեցուցէ՛ք ա-
տիկա»

«Յանկարծ լսեց որ գայլը մառանն էր: Այն
ատեն սկսաւ պոռալ. «ատիկա աղուէսէն ալ գէշ է.
սպաննեցէ՛ք:

«Գայլը ուզեց աչատուիլ, բայց իր ուռած
փորով փոքր ծակին մէջ խժկուած մնաց: Երբ տե-
սան՝ այնչափ ծեծեցին որ ալ շունչ չձգեցին վրան:
Վերջն ալ ծակէն դուրս քաշեցին և ցեխերու մէջ
քաշկուտեցին: Վերջի վերջոյ, մեծ ուտիւնով մը թռաւ
աղբակոյտի մը մէջ: Ամբողջ գիշերը տիղմին մէջ
պառկած մնաց: Բայց միայն նուաղած էր և չեմ գի-
տեր թէ ի՞նչպէս աչատեցաւ այնտեղէն: Մէկ տա-
րի վերջ գայլը նորէն քովս ձեկաւ: Հաւ ուտելու ա-
խորժակ ունէր: Այն ատեն իրեն հաւնոցի մը մասին
ըսի և իրեն այնտեղ տարի: Շեղ կտուրի մը փեղկը
բաց էր: Ներս սողացինք: Բացուածքէն բարակ լգե-
րան մը ներս կ'առաջնորդէր: Չգեցի որ ինքը առաջ
երթայ, սակայն կը վախնար և առաջ երթալ չէր ու-
զեր: Սկսայ զինքը քաջալերել. «Պէտք չէ՛ երկար
մտածես, ով որ կ'ուզէ իւրոտ հաւ մը ուտել, պէտք
է քիչ մըն ալ նեղութիւն կրէ:»

«Այն ատեն վախնուվախը առաջ շարժեցաւ,
քայլ առ քայլ խարխափելով: Ըսաւ. «Խաբուած
ենք. այստեղ հաւի հետք անգամ չկայ:» Ապահով-
ցուցի զինքը. «Առջևինները ես արդէն կերած եմ,
աւելի խորը սողա՛:» Մինչդեռ ան կը յառաջանար՝
դուրս սպրզեցայ, և փեղկը բռնող յեծանը դուրս
քաշեցի: Այն ատեն փեղկը մեծ աղմուկով գոցուե-

ցաւ: Գայլը այնչափ վախցաւ որ նեղ գերանէն սահեցաւ և ծանրօրէն գետին ինկաւ: Աղմուկէն տնեցիները արթնցան և լոյսը վառեցին: Երբոր գայլը գրտան՝ ծեծելէն կիսամեռ ըրին: Կը զարմանամ որ ազատեցաւ:

«Տե՛ս, այսչափ յանցանք եմ գործած և խիղճս կը տանջուի: Կ'աղաչեմ, ազատէ՛ զիս իմ մեղքերէս: Ապաշխարանք տուր պիտի կրեմ բոլորը:»

Առաջ իշղար զարմանքով էր լսեր իր հօրեղ-



Այս ուսով երեք անգամ կաշիդ զարկ...

բոր խոստովանութիւնը: Յետոյ հասկցաւ որ անպի-

տան խորամանկը, որ ուրիշ ելք չունէր, վախի մէջ էր, և համբերութեամբ մտիկ ըրաւ: Յետոյ թուփէ մը ճիւղ մը փրցնելով ըսաւ.

— Այս ուսով երեք անգամ կաշիդ զարկ, վերջը հողին վրայ դիր, և ըսածիս պէս առանց սըխալելու երեք անգամ վրայէն ցատկէ՛: Յետոյ ոտոր ջերմեռանդութեամբ համբուրէ՛ ի նշան հնազանդութեան: Այս ապաշխարանքը կը նշանակեմ քեզի որ պէսզի մեղքերուդ թողութիւն տրուի:

Ռայնէկէ իշղարի բոլոր ըսածները կատարեց: Իշղար սկսաւ յորդոր կարգալ աղուէսի գլխուն:

— Ասկէ վերջ պէտք է զղումդ բարի գործերով ցուցնես: Եռանդով աղօթագիրքը կարդա՛, եկեղեցի գնա՛, ծոմ պահէ, տօնական օրերը յարգէ: Պարտաւոր ես հիւանդներուն հոգ տանիլ, աղքատները կերակրել, մոլորուածներուն ճամբայ ցուցնել: Պէտք է յօժարութեամբ ողորմութիւն տաս, սակայն ամէնէն առաջ պէտք է վատ արարքներէ՛ դաւաճանութենէ, աւագակութենէ և գողութենէ խուսափիս: Այդ բոլորէն վերջը Աստուծոյ ողորմութիւնը պիտի կարենաս վայելիլ:

Ռայնէկէ խոստացաւ.

— Պատրաստ եմ ամէն բան ընելու և բոլոր պարտականութիւններս կատարելու:

Ռայնէկէ և իշղար ճամբան կը շարունակեն դէպի թագաւորին պալատը և վանք մը կը հասնին:

Երբ Ռայնէկէ ապաշխարանքը յնցուց, հանգիստ սրտով իշղարի հետ ճամբայ ինկաւ դէպի թագաւորին պալատը: Ընդարձակ դաշտ մը հասան: Աջ թևին վրայ կուսանոց մը կար: Աստուածապաշտ

կոյսերը գիշեր ցերեկ Աստուծոյ կը ծառայէին: Անոնք հաւեր, աքաղաղներ, սագեր և ուրիշ թռչուններ կը պահէին: Յաճախ հաւերը և սագերը վանքին առջեւ տարածուող դաշտերուն վրայ կը թռչտէին: Այնտեղ է որ Ռայնէկէ կը լրտեսէր զանոնք: Ճամբան վանքի պարիսպին քովէն կ'անցնէր: Ռայնէկէ հաւերը հեռուէն տեսեր էր և իր նուրբ հոտոտելիքը անոնց հոտը ազահութեամբ կ'ըմբռնէր: Խեղդելու ցանկութենէն անոր աչքերը կը շողային: Հիմա մօտեցեր էին հաւերու խումբի մը, որոնց կ'առաջնորդէր հպարտ ու իւզալի աքաղաղ մը: Ռայնէկէ այնպէս մը աքաղաղին վրայ ցատկեց որ փետուրները օդին մէջ թրուան: Իշդար շատ վախցած էր:

— Թշուառակա՛ն, գոռաց ան, ի՞նչ կ'ուզես քնել. կ'ուզես նոր մեծ մե՛ղք մը գործել:

Ռայնէկէ պատասխանեց.

— Աստուած վկայ իրաւունք ունիս: Բայց միայն մտքով մեղանչեցի: Աստուծոյ ինդրէ որ ինձի ներէ՛, այլեւ երբեք չպիտի վերսկսիմ:

Փողոց մը մտան և անկէ ալ հասան նեղ կամուրջ մը: Ռայնէկէ անզաղար իւզոտ հաւերու ետեւէն կը նայէր. գուր տեղը կը փորձէր ինքզինքը զրսպել: Իշդար նկատեց անոր ազան նայուածքները և ըսաւ.

— Դէպի ո՞ր կողմը կը դառնան անկուշտ աչքերդ:

Ռայնէկէ սուտ բարեպաշտ ձևացաւ.

— Ինչո՞ւ կը խանգարես բարեպաշտ աղօթքներս ընելու ատեն, և կ'ընդմիջես «Հայր-Մեր»-ս: Թո՛ղ որ այս սուրբ կոյսերէն յափշտակած խեղճ հաւերու և սագերու հոգու համար աղօթեմ:

Եւ երբ շիտակ ճամբու մէջ մտան ու հեռուէն

թագաւորին պալատը նշմարեցին, Ռայնէկէ գլուխը կախեց. կը մտածէր այն բազմաթիւ մեղադրողներուն վրայ, որոնք զինքը պիտի դիմաւորէին:

Ռայնէկէ թագաւորին կը ներկայանալ. իր թշնամիները զինքը ծանրօրէն կը մեղադրեն:

Երբ թագաւորին պալատին մէջ Ռայնէկէի գալուն լուրը տարածուեցաւ, բոլորը դուրս վազեցին և ճամբուն վրայ խոնուեցան: Շատերը իր գալուն վրայ չուրախացան: Գրեթէ բոլորն ալ կ'ուզէին անկէ գանգատիլ: Ռայնէկէ անհոգ կը ձևանար: Քնքոյշ քայլերով իր եղբորորդու քովէն կը յառաջանար՝ աջ ու ձախ բարևելով և ժպտուն երեսով այստեղ ու այնտեղ գլխի շարժումներ ընելով: Հզօր իշխանի մը նման թագաւորի գահին առջև եկաւ և խոր խոնարհութիւն մը ըրաւ: Մակայն սիրտը ուժգնօրէն կը զարնէր: Սկսաւ խօսիլ:

— Հզօր արքայ, շատ կը խնդրեմ որ լսէք զիս: Ինձմէ հաւատարիմ ծառայ չունիք: Մակայն այստեղ կան շատերը, որոնք կ'ուզեն Ձեզ ինձի հետ թշնամացնել և ո՛չ մէկ սուտի առջև չեն կենար: Դուք այնքան իմաստուն էք, որ սուտով ու խարէութեամբ չէք հրապուրուիր: Թշնամիներս ինձի կ'ատեն որովհետեւ ես Ձեր բարին կ'ուզեմ և Ձեզ հաւատարմութեամբ ծառայած եմ:

— Լո՛ւ՛, քրթմնջեց թագաւորը, սուտերով չէ՛ որ պիտի ազատիս: Երկրի խաղաղութիւնը խանգարեցիր, յափշտակեցիր ու սպաննեցիր: Չարագործութիւններդ պիտի պատժուին: Այստեղ է աքաղաղը, որուն բոլոր երեխաները յափշտակած են. գողին աւազակին մէկն են: Եւ ատկէ վերջն ալ կը հպարտա-

նաս թէ ինծի կը սիրես ու կը յարգես: Այո՛, հաւատարիմ ծառայութիւններդ մարդոցս վրայ կը տեսնեմ... խեղճ կատուն աչքին մէկը կորսնցուց, իսկ արջը գլխէն ծանր վիրաւորուած է: Խայտառակեցիր գիրենք: Այստեղ բազմաթիւ գանգատողներ կան, որոնց բերած բացայայտ փաստերը քեզի կախաղան պիտի առաջնորդեն:

Ռայնէկէի սիրտը կը դարնէր, սակայն բան մը յայտնի չըրաւ և յանդուգն կերպով պատասխանեց.

— Տէ՛ր, ե՞ս եմ մեղաւորը որ արջին գլուխը արիւններ է: Ի՞նչ կրնայի ընել՝ երբ անպայման մեղը ուտել կ'ուզէր: Ի՞նչ գործ ունէր գիւղացիներուն հետ: Ուժեղ է, ինչո՞ւ չպաշտպանուեցաւ: Այդ ընելու տեղ փախաւ ու ջուրին մէջ նետուեցաւ: Իսկ կատուն: Չայն հիւրընկալեցի և լաւ ընդունելութիւն ըրի: Ինչո՞ւ իմ կամքիս հակառակ քահանային տունը գողութեան գնաց. քահանան իրաւունք ունէր զինքը ծեծելու: Ինչո՞ւ ինծի կը յանդիմանէք: Ատիկա Չեր իշխանական արժանապատուութեան պատիւ չի բերեր: Ուժը Չեր ձեռքն է. ի՞նչ կ'ուզէք ըրէք ինծի: Ես ձեր ձեռքն եմ. կրնաք հետս լաւ կամ վատ վարուիլ, ինծի խաշել, տապկել, կախել, գլխատել կամ կուրացնել: Մենք բոլորս ալ Չեր իշխանութեան տակն ենք: Դուք հօօր էք, ես՝ տկար ու թշուառ: Իմ ուժս փոքր է, Չերը՝ մեծ: Չեր կողմէն դաշոյնի միակ հարուած մը կրնայ կեանքիս վերջ գնել: Ըրէ՛ք ինչ որ կ'ուզէք, ես Չեզի կը յարգեմ, կ'ուզեմ արդարանալ և արժանապատուութիւնս փրկել:

Սակայն առաջ եկան աղուէսի թշնամիները՝ խոյր և իր ամբողջ տոհմը, կատուն և արջը: Նապատակն ու էջն ալ եկան: Անոնց կը հետևէին շնիկը, գամբորը, նոխազը և այծը, աքիսն ու ճագարը: Բազմութեան մէջէն դուրս էին ցցուած եզան, ձիու

և բազմաթիւ վայրի կենդանիներու գլուխները: Կը տեսնուէին նաև կուղբը, այծեամբ, եղնիկը, կզաքիսը և կնգուժը: Սրազիլը և ճայը գահին քովի ծառին վրայ թառեցան: Կոունկն ալ անոնց ընկերացաւ: Բազը և սազը մօտ վազեցին: Աքաղաղը և իր փոքրիկները համեստօրէն ետևն էին կանգնած: Ռայնէկէի դէմ գանգատելու համար ամբողջ բանակ մըն էր հաւաքուած: Վա՛տ աւագակը կախաղանի մահով պէտք էր մեռներ:

Ռայնէկէ ծանրօրէն կը մեղադրուի, ինքզինքը կը սրաշտպանէ, սակայն վերջը մահուան կը դատապարտուի:

Կենդանիները գահին շուրջ լայն կիսաշրջան մըն էին կազմեր: Ռայնէկէ մինակն էր մնացեր: Իր թշնամիները խառն ի խուռն կը խօսէին ու կը գոռային՝ դառնացած ու դայրացած իր դէմ: Թագաւորը լուծիւն պահանջեց և հրամայեց որ ամէն մարդ գայ և իր գանգատը ընէ: Այն ատեն ալ ի՞նչ վայրի արարքներ ըսես որ չլսուեցան... Ռայնէկէ անոնց ժրպտելով մտիկ կ'ընէր: Ամէն մէկ ամբաստանողին խորաթափանց մտքով կը պատասխանէր խորամանկութեամբ ու խոհեմութեամբ: Ասդին՝ յանդուգն ու համարձակ, անդին՝ ծաղրով ու հեզնութեամբ, յետոյ նորէն խորամանկութեամբ և ծաղրով, ան ամէն մէկ մեղադրանքը գիտէր ետ մղել:

Սակայն ամբաստանողները վկաներ կը բերէին՝ պատուաւոր, անուանի մարդիկ: Անոնք կ'ապացուցէին՝ պարզ ու պայծառ որ Ռայնէկէ յանցաւոր էր: Վերջ ի վերջոյ Ռայնէկէ ստիպուեցաւ լռելու և մէկ ձայնի նման լսուեցաւ ամէն կողմէ:

«Ռայնէկէ պէտք է մահուան դատապարտուի»:

Այ իր ամբողջ խօսքերը ապարդիւն անցան, որովհետեւ իր անհանգիստ խիղճը և ծանր մեղադրանքները զինքը ծանրապէս կը ճնշէին: Թագաւորը առաջ խուժող թշնամիները ետ մղեց և լուսթիւն ազդարարեց: Իսկոյն խոր լուսթիւն տիրեց սրահին մէջ: Թագաւորը հանդիսաւոր կերպով ոտքի ելաւ և արձակեց վճիռը:

— Ռայնէկէ դատապարտուած է մահուան: Բռնեցէք և կապեցէք. կախաղան պիտի հանուի:

Ռայնէկէ վախցաւ, կարծես լախտի հարուած մը ստացած ըլլար: Առանց դիմադրութեան ձգեց որ զինքը կապեն:

Ռայնէկէի բարեկամները դատավարութեան ներկայ չէին եղած: Երբ լսեցին որ Ռայնէկէ մահուան էր դատապարտուել և որ բռնուած ու կապուած էր, շատ տխրեցան և վհատեցան՝ որովհետեւ Ռայնէկէ իրենց տէրն ու առաջնորդն էր: Սակայն զայն անպատիւ էին հռչակել և ամօթալի մահով պիտի մեռնէր: Որոշեցին իսկոյն թագաւորին պալատը ձգել և հեռանալ: Խիստ ու հանդիսաւոր կերպով թագաւորին ներկայացան, քաղաքավարութեամբ խոնարհեցան և թոյլտուութիւն խնդրեցին պալատէն հեռանալու: Ամբողջ խումբը՝ կապիկը, իշղարը, իրենց տոհմով միասին, հանդիսաւոր կերպով կանգնած էին հոն:

Թագաւորը շատ ցաւեցաւ որ այս բոլոր արժէքաւոր անձերը իրմէ պիտի հեռանային: Սակայն բան մը չէր կրնար ընել և գլխով համաձայնութեան նշան բրաւ: Երբ հեռացան, իր խորհրդականներէն մէկունը ըսաւ.

— Այս Ռայնէկէն ինձի շատ սուղ պիտի արժէ: Իր ազգականներու մէջ արժանաւոր անձեր կան, որոնցմէ զժուարութեամբ պիտի բաժնուիմ:

Մինչ այդ, Ռայնէկէ ուժեղ կապանքներով բան-

տարկուած էր: Գայլը, կատուն և արջը եռանդով կը հսկէին անոր վրայ. թագաւորը այդպէս էր հրամայած: Սակայն սիրով կը կատարէին, որովհետեւ ծագրանքով կ'ըսէին Ռայնէկէին.

— Շուտով պիտի կախուիս:

Դուրս տարին զինքը. կախաղանները հեռուէն կը նշմարուէին: Այն ատեն կատունը ըսաւ.

— Գայլ բարեկամ, կը յիշե՞ս թէ ինչպէս Ռայնէկէ երկու եղբայրներդ կախաղան բարձրացուց և չփորձեց անգամ իր գոհունակութիւնը ծածկել: Հիմա ալ մենք իրեն հետ այդպէս կը վարուինք: Իսկ քեզ, արջ բարեկամ, այնպիսի ձևով խաբեց որ գիւղացիներէն լաւ ծեծ մը կերցնել տուաւ: Ուշադրութիւն ընենք որ խորամանկը ձեռքերնուս չփախչի: Եթէ այս անգամ ազատի, այլևս ոչ ոք չպիտի կարենայ բռնել զինքը:

Գայլը պատասխանեց.

— Խօսքերով չե՞նք կրնար վրէժ լուծել: Եթէ չուան մը ունենայինք, սիրտերնիս կը զովացնէինք:

Այն ատեն Ռայնէկէ հեգնեց.

— Կատու, ես չուանի մը տեղը գիտեմ: Եթէ մինչև տէր հայրին տունը վազես, պարան մը կը գտնես, որ լաւ կը ճանչնաս:

Արդէն թագաւորը, թագուհին և ամբողջ հետեւորդները կախաղանին քով էին հաւաքուել: Բոլորը կ'ուզէին տեսնել թէ ի՞նչպէս Ռայնէկէ կախաղանին վրայ պիտի ձօճէր: Ռայնէկէ կեցած էր այն ճիւղին տակ, որ իբր կախաղան պիտի ծառայէր: Գլուխը կախ էր ձգեր և ոչ մէկուն նայիլ չէր համարձակել: Գայլը գոչեց.

— Ամուր բռնեցէ՛ք Ռայնէկէն, որպէսզի չփախչի: Իսկ իր կնոջը հրամայեց.

— Ի սէ՛ր Աստուծոյ, օգնէ մեզի որ այս շա-

րագործը պահպանենք: Եթէ ազատի, աւելի մեծ վիրաւորանքներ պիտի հասցնէ մեզի քան մինչև հիմա և միայն մեզի վրաս հասցնելու մասին պիտի մտածէ»: Անդիէն ալ արջին պոռաց .

— Մտածէ թէ ի՞նչպէս խայտառակուեցաւ և կրցածիդ չափ վրէժդ հանէ :

Յետոյ կատուին դարձաւ .

— Կ'ուզեմ սանդուխը դնել : Վեր մագլցէ , դուն ինձմէ ճարպիկ ես , և պարանը ճիւղին անցուր :

Արջն ալ գայլին եռանդէն վարակուեցաւ .

— Շո՛ւտ մը սանդուխը դրէ՛ք , այս գող-աւա-
զակը ձեռքէս չ'ազատիր :

Ռայնէկէ արջին դառն վիրաւորանքներ ուղղեց .

— Ամօ՛թ է որ ճիշդ դուն՝ իմ ազգականս , ին-
ծի մահուան առաջնորդես : Ընդհակառակը , դուն պարտաւոր ես զիս պաշտպանելու և չձգելու որ այս-
պիսի ամօթալի մահով մեռնիմ : Գիտես որ գայլը ին-
ծի կ'ատէ :

Ռայնէկէ իր մեղքերը հրապարա-
կաւ կը խոստովանի և կախադանէն
կ'ազատի :

Ռայնէկէ , մեծ վախով , շատախօս և ծաղրող
կատուին , գայլին և արջին մէջտեղը կեցած էր : Իր
զլխին մէջ մտքերը կը խաչաձևէին .

«Եթէ կարենայի ելք մը գտնել , կը մտա-
ծէր , այնպէս որ թագաւորը ինծի ներէր և այս երեք
ստահակները իմ տեղս կախադան բարձրանային» :

Բոլորովին միատաժ էր , սակայն ըսաւ ինքն-
իրեն :

«Չե՛մ ուզեր կախադան բարձրանալ , չե՛մ ու-
զեր : Պէտք է որ աղուո՛ր խաղ մը խաղամ գլխնուն» :

Եթէ թոյլ տան խօսիլ , կրնամ յուսալ :»

Մինչ այդ , կատուն շուանը ճիւղին էր կապեր ,
խոկ գայլն ալ Ռայնէկէն քաշքշելով սանդուխէն վեր
կը բարձրացնէր : Երբ Ռայնէկէ վեր հասաւ , նայեցաւ
կենդանիներու կազմած մեծ շրջանակին : Խոր լու-
թիւն կը տիրէր : Բոլորը իրեն կը նայէին : Ռայնէկէ
սկսաւ խօսիլ .

— Պարոններ , մահը առջեւս կը տեսնեմ և
չեմ կրնար անկէ խուսափիլ : Այդ պատճառով թոյլ



— Պարոններ , մահի առջեւս կը տեսնեմ...

տուէք վերջին խնդրանք մը ընել ձեզի : Թագաւորէն
խնդրեցէ՛ք որ թոյլատրէ ինծի հրապարակաւ խոստո-
վանիլ : Մեղքերս այնքան բազմաթիւ են որ կրնան
ուրիշներ իմ տեղս պատժուիլ . սակայն կ'ուզեմ որ

ոչ մէկ անմեղ մարդ իմ պատճառով նեղութեան մէջ իյնայ :

Կենդանիները կը տեսնէին թէ ի՞նչպէս կը գողար ան . ազդուեր էին իր խօսքերէն և իրարու կ'ըսէին .

«Ասիկա փոքր խնդրանք մըն է, պէտք է գոհացնել» :

Թագաւորը շուրջը նայեցաւ և ընդհանուր շարժումը տեսաւ : Գլխով նշան ըրաւ և ըսաւ .

— Թող այդպէս ըլլայ, խօսէ՛ խիղճդ հանգրտացուր :

Ռայնէկէ ինքզինքը թեթևցած զգաց . սկսաւ

— «Աստուած ինձի օգնէ՛ : Երբ շուրջս կը նայիմ՝ չեմ տեսներ մէկը՝ որուն վնաս մը հասցուցած չըլլամ : Դեռ փոքր խեղկատակ մըն էի՝ հազիւ մայրական կաթէն կտրուած, երբ արդէն մէջս արթնցած էր ըսպաններու հաճոյքը : Կը գողնայի ոչխարներու և այծերու փոքր գառնուկները երբ գարնան՝ մարգագետիններու վրայ կը խաղային : Հաճոյքով անոնց քաղցրահնչուն մայիւնը կը լսէի : Անգամ մը թաքստոցիս մօտեցող փոքր գառնուկ մը բռնեցի և քաղցր արիւնը ծծեցի : Այնքան ազուր, քաղցր համ ունէր, որ գառնուկներուն մէջ ցատկեցի և շորս հատը յափըտակեցի : Օրէ օր աւելի համարձակ և աւելի յանդուգըն կը դառնայի : Ո՛չ մէկ թռչուն, ո՛չ մէկ հաւ ո՛չ մէկ սագ ձեռքէս չէր ազատեր : Ինչ որ ձեռքս իյնար կը խեղդէի : Չուտ սպաններու հաճոյքէն կը սպաննէի : Ինչ որ չէի կրնար ուտել, կը թողէի աւաղին մէջ :

«Չմեռ մը, գետի մը մօտ, գայլին հանդիպեցայ : Մացառներու ետև գարան էր մտած : Իբրև հօրեղբայր՝ ինձի սիրալիր կերպով բարևեց : Երբ դժգո-

հեցայ՝ ինձի մեր ազգական ըլլայր բացատրեց : Ստիպուեցայ ճամբու ընկեր ընել զինքը : Իրարու հաւատարմութիւն ուխտեցինք . պիտի թափառէինք իրարու հետ և որայինք : Ասիկա մեծը կը գողնար՝ ես փոքր : Որսը պէտք էր իրարու մէջ բաժնէինք հաւասարաբար : Սակայն նոյնիսկ կէսը չէի ստանար, միշտ գայլն էր որ մեծ մասը կ'ունենար : Ինչ որ ալ յափըտակէինք, հորթ, նոխաղ, խոյ կամ գառ, միշտ գայլն էր որ առաջ պէտք է կշտանար : Վրաս կը ունար ու կը վռնտէր : Իսկ երբ մեծ որս մը գտնէինք, եզ մը կամ կով մը, այն ատեն իր ողջ տոհմը կը կանչէր և ամբողջ ճաշէն կրճուած ոսկորներն էին որ կը մնային ինձի :

«Բայց և այնպէս շատ ալ չէի նեղուեր, որովհետև մեծ գանձ մը ունէի՝ ամբողջ արծաթ ու ոսկի : Եօթը սայլ հազիւ կրնային տեղափոխել այդ գանձը :»

Երբ թագաւոր գանձի մասին լսեց՝ ականջները սրեց . Բոլոր կենդանիները լարուածութեամբ Ռայնէկէի կը նայէին : Թագաւորը հարցուց .

— Ո՞րտեղէն ունէիր այդ գանձը : Այս է որ կ'ուզեմ իմանալ :

Ռայնէկէ պատասխանեց անտարբերութեամբ .

— Ինչո՞ւ չըսեմ, հետս գերեզման տանելու միտք չունիմ : Ուրեմն իմացէ՛ք՝ գանձը գողցուած էր : Չեր սպաննութեանն էր յատկացուած : Եթէ գանձը յափըտակուած չըլլար, հիմա առջևս կանգնած չէիք ըլլար : Չեզի ազատելու համար հայրս գոհեցի :

Թագաւորը հրամայեց լուել և աղուէսը սանդուխէն վար բերաւ, աւելի լաւ հարցնել կարենալու համար :

Երբ թագուհին իր ամուսնոյն դէմ ծրագրուած

մահափորձի մասին լսեց, ծայր աստիճան վախցաւ
և գոյնը նետեց: Գոռաց Ռայնէկէին:

— Ռայնէկէ՛, մահուան առջևը կանգնած ես,
ճշմարիտ ըսէ, ի՞նչ մահափորձ է ատիկա:

Կենդանիներն այ անհանգիստ էին, իրարու
կը պոռային ու կը կանչէին: Թագաւորը մեծադորդ
ձայնով գոռաց.

— Կը հրամայեմ որ լռէք: Ռայնէկէ թող
վար գայ, որպէսզի աւելի լաւ կրնամ լսել իր ը-
սածները: Այս գործը ինձի կը վերաբերի:

Ռայնէկէ շատ ուրախացաւ: Իր թշնամիները
արչափ բարկութեամբ այ իրեն նայէին, ստիպուած
էին ձգելու որ վար իջնայ: Թագաւորն ու թագուհին
ազուէսը մէջերնին առին և մէկ կողմ տարին: Կեն-
դանիները վախով ու հետաքրքրութեամբ ճամբաց
կու տային անոնց: Ռայնէկէ պաղարիւնութիւնը վե-
րագտեր էր և կը մտածէր.

«Եթէ յաջողիմ կրկին թագաւորին ու թագու-
հին շնորհը գտնել, այն ատեն բոլոր անոնք որոնք
իմ մահս կ'ուզեն, պիտի ոչնչացնեմ: Սակայն պէտք
է վարպետութեամբ ու խոհեմութեամբ ստեմ:»

Ռայնէկէ սուտով մը կ'աղատի և
որպէսզի իրեն հաւատան, հայրն ու
մայրը կ'ամբաստանէ:

Թագուհին եռանդով ըսաւ.

— Ռայնէկէ՛, Աստուծոյ սիրոյն, ճշմարտու-
թիւնը ըսէ մեզի:

Ռայնէկէ խոնարհաբար պատասխանեց.

— Ես կեանքի հետ հաշիւս գոցած եմ: Ին-
չո՞ւ խիղճս նոր սուտով ու նոր մեղքով մը ծանրա-

բեռնեմ: Կը վախնամ դժոխքէն և ցանկութիւն չու-
նիմ յաւիտեան գեհենի կրակներու մէջ այրելու:
Ո՛չ, ամէն բան Ձեզի պիտի խոստովանիմ, եթէ նոյն-
իսկ ստիպուած ըլլամ իմ ամենալաւ բարեկամներս
մեղադրելու:

Թագաւորին սիրտը շարժեցաւ. սրտմու-
թեամբ ըսաւ.

— Ռայնէկէ՛, գուտ ճշմարտութի՞ւնը պիտի
խոստովանիս:

Ռայնէկէ պատասխանեց.

— Ստոյգ մահուան առջև կը գտնուիմ: Երբ
կախաղանի աստիճաններուն վրայ էի, ան բոլորո-
վին մօտ էր ինձի: Ի՞նչպէս կրնամ իմ յօժար կամ-
քովս դժոխքի կրակներուն մէջ նետուիլ:

Ռայնէկէ ամբողջ մարմնով կը դողար և ինքզինքը
թշուառ մեղապարտ մը կը ձևացնէր, որ խղճի խայ-
թէն ու մահուան վախէն կը տանջուի: Թագուհին
կը մեղքնար Ռայնէկէն.

— Ռայնէկէի թշուառութեան վրայ շատ կը
ցաւիմ. այդ պատճառով կը խնդրեմ քեզմէ, սի-
րելի թագաւոր, բարեսրտութեամբ վարուէ իրեն
հետ: Ձգէ՛ որ այստեղ ամէն ինչ ըսէ, և կենդանի-
ները լռեցուր:

Ասոնք նորէն խոնուեր էին և խառն ի խու-
որն կը խօսէին: Թագաւորը նշան ըրաւ և լուսթիւն
պահանջեց: Կենդանիները ետ քաշուեցան եւ լռե-
ցին: Ռայնէկէ ինքզինքը թեթևցած զգաց:

— Բոլորը պիտի ըսեմ, և ոչ մէկուն չպիտի
խնայեմ:

Եւ երկար ու բարակ պատմութիւն մը սկսաւ,
որտեղ ոչ ոքի չխնայեց, ոչ իր հանգստեցեալ հօր, ոչ
այ իշղարին, իր ամենալաւ բարեկամին, որ այնքան

տեղեր իրեն օգնութեան էր հասած : Ան մէկ բան գիտէր , որ՝ միայն այսպէսով է որ թագաւորն ու թագուհին հաւատ պիտի ընծայէին իր խօսքերուն և թէ գուցէ պիտի կրնար իր թշնամիները սեւցնել : Ան սկսաւ պատմել .

« Հայրս հօր թագաւորի մը գանձն էր գտեր : Բոլորովին մեկուսացած վայրի մը մէջ էր թագուած : Այն ատեն հայրս հպարտ ու գոռոզ դարձաւ և սկսաւ բոլոր կենդանիները արհամարել , նոյնիսկ անոնց՝ որոնք առաջ իր ընկերներն էին եղած : Գըլխուն մէջ մեծ-մեծ ծրագիրներ կը կազմէր : Կատուն զրկեց արջի որսատեղին՝ վայրի երկիր մը : Կատուն պէտք է արջին ըսէր որ բարեհաճի մեզ մօտ գալ , թագաւոր ըլլալու համար : Արջը հօրս նամակը կարդալ տուաւ , որովհետև ինքը կարդալու արուեստը չէր սորված : Այս լուրը իրեն մեծ ուրախութիւն և քաջութիւն պատճառեց , որովհետև շատոնց ի վեր կը ցանկար թագաւոր ըլլալ : Անմիջապէս մեզ մօտ եկաւ , ուր զինքը պատիւներով ընդունեց : Իսկոյն պատգամաւորներ զրկուեցան մեր իմաստուն իշխարին և գայլին :

« Երկուքն ալ անմիջապէս եկան և չորս դաւաղիրները սկսան բանակցիլ : Վերջապէս խաւար , փոթորկոտ գիշեր մը , դաւաղրութիւնը գլուխ ելաւ : Ոչ թէ Աստուած , այլ սատանան էր որ օգնեց անոնց : Դաւաղիրները հօրս զբամով հրապուրուեցան : Ահա՛ իրենց երգումին պարունակութիւնը .

« Թագաւորը պէտք է մեռնի և արջը անոր տեղը պիտի ընտրուի ու սակեայ թագով թագաւոր պիտի օծուի : Ով որ ընդդիմանայ՝ պիտի դուրս ընենք և սպաննենք : »

« Հօրս ոսկին կողմնակիցներ վաստակելու պիտի ծառայէր : Բոլորն ալ միաժամանակ գայլի գըլ-

խուն վրայ երգուեցան իրենց խոստումը կատարել :

« Այդ օրուրնէ սկսեալ եռուն աշխատանք մը ծայր տուաւ : Սուրհանդակներ կ'երթային ու կ'ուզային , գաղտնի խօսակցութիւններ տեղի կ'ունենային , նամակներ կը ստացուէին ու կը զրկուէին . փայլուն ոսկին գլուխները կը դարձնէր ու խիղճերը կը ծանրաբեռնէր : Ես բանէ մը չէի կասկածեր , մինչև որ օր մը՝ առտուն կանուխ իշխար իրենները մատնեց : Գիշերային հաւաքոյթի մը ատեն քիչ մը շատ գինի էր կոնծեր և սկսաւ կատակել ու շատախօսել : Ամբողջ ծրագիրը յայտնեց իր կնոջ և հրամայեց գաղտնապահ ըլլալ : Սակայն երբ տիկին իշխար կնոջս հանդիպեցաւ , իսկոյն բոլորը անոր պատմեց : Երգուեցուց կինս որ մէկու մը չյայտնէ : Բայց հազիւ թէ կինս տան դուռը ետնէն գոցած էր , որ բոլորը ինծի պատմեց : Փաստերը այնքան ճշգրիտ էին , որ այլևս չէի կրնար լուրին ճշմարտութեանը վրայ կասկածիլ . սակայն դարմանքիս չափ չկար : Ի՞նչպէս կարելի է արջը թագաւոր ընել , երբ ան նենգաւոր մըն է , լի մոլութեամբ ու վատ տրամադրութեամբ : Ի՞նչպէս կարելի է ցած տոհմէ սերած գիւղացի մը , արջի պէս շատակեր մը , այդքան մեծ պատիւի արժանացնել : Մեր թագաւորը ազնուատոհմ է , հօր է ու մեծասիրտ , բարի է և բոլոր կենդանիներու հանդէպ ողորմած : »

Կենդանիները խոնուեր էին Ռայնէկէի և թագաւորական գոյգին շուրջը : Լարուած ու շարժութեամբ Ռայնէկէի պատմութիւնը մտիկ կ'ընէին : Ռայնէկէ շարունակեց .

« Շաբաթներ շարունակ ականատես եղայ դաւաղիրներու գործունէութեան , որովհետև ելք մը չէի գտներ : Մէկ բան պարզ էր ինծի՝ որ եթէ հայրս շարունակ այդ մեծ գանձը իր տրամադրութեան

տակ ունենար, այն ատեն պիտի կարենար շատ մը կենդանիներ իր կողմը շահիլ և վերջապէս իր նպատակը՝ թագաւորի մահը՝ իրագործել: Այդ պատճառով կ'աշխատէի խուղարկել և գտնել թէ ո՞ւր կըրնար պահուած ըլլալ գանձը, որպէսզի մէկ կողմ տա-



Հարուս գանձը ուրիշ տեղ տեղափոխեցին...

նէի: Սակայն հայրս ծեր ու խորամանկ մարդ էր և որտեղ ալ իրեն լրտեսէի՝ դաշտին մէջ թէ խոր ան-

տառը, ցերեկը թէ գիշերը, ցուրտին թէ տաքին, անձրևին թէ արևին, միշտ ալ ունէ հնար կը գտնէր ձեռքէս ազատելու. եւ այսպէս երկար ժամանակ ունէ բան չկրցայ գտնել:

«Անգամ մը նորէն դարան էի մտեր: Ինքզինքըս բոլորովին հողին մէջ էի թաղեր, այնպէս որ միայն աչքերս ու քիթս ազատ էին մնացեր: Յանկարծ տեսայ հայրս, որ ապառաժի մը մէջ խոր առաջացող ձեղքուածքէ մը դուրս կ'ելլէր: Ան իմ մօտիկութենէս չէր կասկածեր: Շուրջը լաւ մը գննեց, հոս ու հոն վազեց ունէ դարանակալ գտնելու համար: Սակայն բան մը չգտաւ, ամէն ինչ խաղաղ ու լուռ էր: Այն ատեն ձեղքուածքին բերանը լաւ մը խզկեց և ամէն ինչ լաւ մը հարթեց: Ոտքերուն հետքերը իր փնջածև պոչովը սրբեց:

«Իսկոյն հասկցայ որ գանձը այդ ժայռին ձեղքին մէջ էր պահուած: Առանց ժամանակ կորսնցնելու գործի անցայ և ոտքերովս աւազը մէկզի ըրի: Արծաթի, ոսկիի և թանկագին քարերու փայլը մէկէն աչքերս կուրցուց: Մեր մէջ մէկը չկայ, որ մէկ անգամէն այդքան թանկարժէք իրեր տեսած ըլլայ: Շտապով գացի և կինս հոն տարի: Առանց սայլի կամ կառքի, միայն և միայն մեր բազուկներով, գիշեր ցերեկ աշխատելով, հարուստ գանձը ուրիշ տեղ տեղափոխեցինք: Շատ յոգնեցուցիչ եւ դժուարին աշխատանք էր: Այդ միջոցին հայրս դաւադիրներու հետ հաղորդակցութեան մէջ էր: Երբ որ գանձը պահեցինք, նորէն սկսայ դինքը լրտեսել: Արջը և գայլը նորանոր նամակներ կը զրկէին: Մեծ վարձատրութիւն կը խոստանային անոնց՝ որոնք արջը թագաւոր պիտի ընտրէին: Ընդհանրապէս, ճիշդ ինքը, հայրս էր որ սուբհանդակի դեր կը կատարէր. եւ մինչ երկրի շորս կողմը նամակներ կը տանէր, չէր ալ կասկածեր որ իր գանձը գողցուած էր:

«Մինչ այս մինչ այն, ամառը եկաւ: Հայրս յոգնելով եւ նեղուելով օտար երկիրներ էր թափառեր եւ արջին համար մեծ ոռճիկով վարձկան պինւորներ էր վարձեր: Երբ արջի և իր ընկերներուն քով վերադարձաւ, բաւական նիւթ ունէր պատմելու իր կրած նեղութիւններու եւ վախի մասին: Շատ անգամներ մահուան վտանգի մէջ էր գտնուեր: Սակայն արջին լաւ լուր էր բերած: Միայն գայլի ընկերներէն հինգ հարիւր սուր ակռաներով զինուած կռուողներ արջին տրամադրութեան տակ կը զնէին ինքզինքնին: Յետոյ կու գային կատուններն ու արջերը, որոնք կ'ուզէին իրեն օգնել: Բոլոր առեւտարներէն և իշղարներէն երգուեր էին արջին օգնութեան փութալու: Եթէ դրամը հօրս քով մնացած ըլլար, այդ դաւադրութիւնը պիտի յաջողէր:

«Վերջապէս օր մը հայրս գնաց իր գանձը քննելու: Սակայն սրճափ սարսափեցաւ՝ երբ բան մը չգտաւ: Նախ մտահոգ՝ պարապ ձեղքուածքին առջև նստեցաւ. յետոյ խելագարի պէս սկսաւ շրջաններ ընել, վերջը ձեղքուածքին մէջ մտաւ և դուրս ելաւ՝ քսան անգամէն աւելի: Յետոյ ամբողջ շրջակայքը փնտռեց՝ բոլորը ապարդիւն անցաւ՝ գանձը չկար ու չկար: Վերջ ի վերջոյ պարան մը գտաւ և քովի ծառէն ինքզինքը կախեց:

«Երբ դաւադիրները դիակը գտան և տեսան որ գանձը այլևս չկայ, այն ատեն բոլորը ցրուեցան: Եւ այսօր անոնք նստած են թագաւորին քով, իսկ ինձի՝ խեղճ Ռայնէկէին, ոչ ոք շնորհակալ չըլլար: Ես թագաւորին համար հայրս գոհեցի: Ո՞վ է որ անոր համար այս տեսակ բան մը պիտի ընէր:»

Թագաւորը Ռայնէկէի պատմութիւնը ուշագրութեամբ մտիկ էր ըրեր: Անիկայ միայն մէկ բանի մասին կը մտածէր՝ գանձի մասին: Ինչպէս կըրնար ընել որ Ռայնէկէ գանձին տեղը ցուցնէր: Թագուհին ալ նոյն մտածումները ունէր: Թագաւորը

նշան ըրաւ կենդանիներուն հեռանալ և Ռայնէկէն մէկ կողմ տարաւ: Թագաւորը և թագուհին միաժամանակ Ռայնէկէին ըսին.

— Տեղեկացուր մեզի թէ ո՞ւր է մնացած գանձը: Ռայնէկէ բողոքեց:

— Ինչպէ՞ս միտքէս անցնեմ Ձեզի գանձին տեղը ըսելու, երբ դուք ինձի կախել կու տաք: Դուք գողերուն և մարդասպաններուն կը հաւատաք, որոնք կը ջանան սուտերով մահս փութացնել:

Թագուհին պատասխանեց շտապով.

— Ո՛չ, այդ բանը չպիտի պատահի, թագաւորը պիտի ձգէ որ ապրիս և քեզի պիտի ներէ: Անիկա քեզի պիտի պաշտպանէ, եթէ ասկէ վերջը իմաստութեամբ վարուիս՝ այնպէս որ կարենայ քեզի վստահել:

Թագուհիի խօսքերը Ռայնէկէի համարձակութիւնը եւ ինքնավստահութիւնը ետ բերին: Մտածկոտ ձևանալով ըսաւ.

— Սիրելի Տիկին թագուհի, եթէ թագաւորը Ձեր առաջ հանդիսաւոր երգում ընէ՝ հետս ողորմութեամբ վարուելու, գայրոյթը թողու և իմ բոլոր մեղքերս եւ յանցանքներս ներէ, այն ատեն իրեն այնչափ պիտի հարստացնեմ, որ աշխարհիս երեսը իրեն չափ հարուստ թագաւոր չգտնուի: Այն ատեն իսկոյն պիտի ըսեմ գանձին տեղը:

Թագաւորը սակայն դեռ կը կասկածէր և թագուհին զգուշացուց.

— Մի՛ վստահիր իրեն. գողնալու և յափշտակելու մէջ առաջին է, իսկ ըսածները սուտ են:

Թագուհին ազուէսի կողմը բռնեց.

— Գիտեմ որ Ռայնէկէ համակ ստույթիւն և նենգութիւն է, այդ գիտեմ. սակայն ինչպէս կըրնայ իշղարին իր եղբորորդուն, և իր սեփական հօրը ամենամանր ոճիրներու մէջ ամբաստանել: Ես կը հաւա-

տամ իրեն , ան այլևս քու հանդէպ անհաւատարիմ
չպիտի գտնուի :

Թագաւորը համաձայնեցաւ :

— Ինձի համոզեցիք : Թէև Ռայնէկէի մեղքը
շատ մեծ է , սակայն աչքս պիտի գոցեմ վրան , որ-
պէսզի ա՛յ աւելի մեծ վնասներ չկրենք : Այս անգամ
ալ Ռայնէկէի խօսքին պիտի հաւատամ : Բայց կ'երդ-
նում թագովս՝ որ եթէ նորէն խաղաղութիւնը խան-
գարէ , այլևս չպիտի սպասէ որ իրեն խնայեմ : Իր
տոհմը մինչև տասներորդ սերունդը պիտի պատժեմ :
Նոր երդմնագանցութիւն մը կը նշանակէ պատերազմ
մը , որ երբեք չպիտի վերջանայ :

Երբ Ռայնէկէ թագաւորին փոխուիլը տեսաւ ,
ամենափոքրիկ վախն անգամ չքացաւ և ըսաւ խորա-
մանկութեամբ .

— Տէ՛ր թագաւոր , յիմար պիտի ըլլամ եթէ
բառ մը իսկ ըսեմ որ իսկոյն ապացուցել չկարենամ :

Թագաւորը կատարելապէս համոզուած էր ,
ձեռքը Ռայնէկէին երկարեց և իր բոլոր գէշ արարք-
ները ներեց : Ռայնէկէ չափէն աւելի ուրախացաւ :
Երբեք այդքան անել վիճակի մէջ չէր գտնուած : Ըսաւ .

— Ո՛վ թագաւոր , թող Աստուած Ձեզ և Ձեր
տոհմը Ձեր ողորմութեան համար վարձատրէ : Ձեզի
պարտական եղած երախտագիտութիւնս իմ գանձովս
պիտի փոխարինեմ : Ոչ ոք ամբողջ երկրի վրայ , ոչ
մէկ մարդ աստղերուն տակ այնքան արժանի չէ գան-
ձը ունենայու , որքան Դուք : Ինչ որ Հեքեսթէն թա-
գաւորը ունէր՝ Ձեզի կը փոխանցեմ : Հիմա գանձին
տեղը ըսեմ . մեծ յեռէն դէպի արևելք ընդարձակ ա-
նապատ մը կայ : Այդտեղ կը գտնուի ապառաժ մը և
մացար մը : Անոր քով կայ պաղ աղբիւր մը , որ պէտք
է միտքերնիդ պահէք , որորմած տէր : Մենակեաց
վայր մըն է՝ ընդարձակ անապատ մը : Միայն բու և
և բուէճ կ'ապրին այդտեղ : Հոն է թաղուած գանձը :

Երբ աղբիւրը անցնիք , պիտի հանդիպիք երկու դալար
ցարասիներու , որոնք ճիշդ աղբիւրին քովն են : Ա-
նոնց տակն է թաղուած գանձը : Թող իմ կինս ձեզի
հոն առաջնորդէ , որովհետև ուրիշ ոչ ոք չեմ ձանչ-
նար որուն կարենամ փտահիլ : Ան Ձեզի կը ցուցնէ
ցարասիները , իսկ դուք հողը կը փորէք : Առաջ քիչ մը
մամուռ պիտի գտնէք , բայց յետոյ պիտի տեսնէք
ոսկիի և գոհարի փայլը : Պիտի գտնէք նաև թագաւո-
րին թագը , որ մատնիչները արջին գլուխը դնել կ'ու-
ղէին : Շքեղ առարկայ մըն է , ոսկիէ ձուլուած և
թանկագին քարերով զարդարուած : Հազար հազար
ոսկի կը գնահատուի : Երբոր Ձեր առաջ այս գանձը
տեսնէք , դիս պիտի յիշէք , և ինձի պատշաճ պատի-
ւը պիտի տաք :

Այ թագաւորը ինքն ալ ոգեւորուեցաւ և սկսաւ
Ռայնէկէն փութացնել .

— Մտի՛կ ըրէ , Ռայնէկէ , դուն ալ ինձի պիտի
ընկերակցիս : Մինակա չպիտի կրնամ գանձը գտնել
որովհետև տեղը չեմ ձանչնար : Անշուշտ լսած եմ մեծ
լերան մասին : Կը վախնամ որ միւս տեղերը պար-
զապէս հնարուած են :

Ռայնէկէ շատ ալ չհասկցաւ թագաւորին կաս-
կածամտութիւնը : Լրջութիւնով ըսաւ .

— Տէ՛ր , ես Ձեզ հեռաւոր Արևելքի մասին չեմ
պատմեր՝ ուր Յորդանանը կը հոսի , այլ Մեծ լերան
մասին՝ որ մեզի շատ մօտիկ կը գտնուի : Կը կըրկ-
նեմ . ապառաժը , աղբիւրը և երկու ցարասիները՝
իսկոյն վկայ մը կանչեմ , որ Ձեզ նոյնը ըսէ :

Իսկոյն մօտ կանչեց նապաստակը , որ հետա-
քրքրութեամբ կենդանիներու շարքէն քանի մը քայլ
առաջ էր կանգնած : Նապաստակը սաստիկ վախցաւ ,
բայց մը ցատկեց մեծ կենդանիներուն ետև պահու-
տելու համար : Մակայն Ռայնէկէի ձայնը այնքան
բարի կը հնչէր որ մօտ եկաւ : Ռայնէկէ ըսաւ .

— Նապաստակ , մի՛ վախնար , թագաւորը կ'ու-

դէ քեզ հետ խօսիլ: Խօսք տուր որ գիտցածդ պիտի
ըսես հեռաւոր անապատին մէջ գտնուող ապառաժի
և աղբիւրի մասին:

Նապաստակը պատասխանեց.

— Ճիշդ է, ապառաժի մօտ կը գտնուի աղ-
բիւր մը: Հոն մացառ ալ կայ: Այդտեղ է թաղուած
արժաթասէր կաշաղակը: Յաճախ եղած եմ այնտեղ,
ցուրտէն ու ծարաւէն ուժասպառ, յարատև վախի
մէջ:

Ռայնէկէ շտապով խօսքը կտրեց և ըսաւ.

— Բաւական է, շնորհակալ եմ. թագաւորը
պէտք եղածը հասկցաւ:

Թագաւորը Ռայնէկէէն ներողութիւն խնդրեց.

— Ներէ՛ իմ անխորհուրդ խօսքերուս: Կը
տեսնեմ որ ճշմարտութիւնը կ'ըսես: Այժմ հոգ տար
որ շուտ մը ինձի այնտեղ հասցնես:

Ռայնէկէ ըսաւ ներողամտութեամբ.

— Ուրախութեամբ Ձեզի կ'ընկերանայի բայց
շատ կը ցաւիմ որ չեմ կրնար: Կ'ամհնամ պատճառը
խոստովանիլ: Շատ տարիներ առաջ գայլը՝ սատա-
նայէն դրդուած, վանք մտաւ: Թէև վեց վանական-
ներ իրեն համար կերակուր կը կրէին, շատակերը
չկշտացաւ: Թշուառ դրութեան մը մէջ, լալով ու
ողբալով, ինձ մօտ եկաւ: Ոսկորները ցցուեր էին,
կարելի էր մարմնի վրայ կողերը համրել: Իր քեռայ-
րը ըլլալով իրեն օգնեցի և խորհուրդ տուի որ վան-
քէն ազատի: Այդ պատճառով Պապը զիս բանադրեց
(անիծեց): Այս բանը շատ ցաւ կը պատճառէ և Ձեր
թոյլատրութեամբ վաղը դէպի Հոռոմ ճամբայ պիտի
ելլեմ, բանադրանքէն ազատելու համար: Յետոյ ալ
կ'ուզեմ ծովու ճամբով Երուսաղէմ երթալ, որպէս-
զի վերադարձիս ամէն տեղ պատիւս վերականգնեմ:
Ուրիշ բան մըն ալ կայ. եթէ հիմա Ձեզի հետ գամ
ամէն մարդ պիտի ըսէ. «Տեսէք ի՞նչ փոփոխամիտ

է թագաւորը: Քիչ մը առաջ կ'ուզէր աղուէսը կա-
խել, իսկ հիմա միայն անոր հետ կը պտտի:»

Թագաւորը մտածութեան մէջ ընկղմեցաւ:

— Իրաւունք ունիս. ինձի չի վայելք քեզ
հետ երթալ: Նապաստակը կամ ուէ մէկը հետս կը
տանիմ: Իսկ դուն, ի սէր Աստուծոյ, դէպի Հոռոմ և
Երուսաղէմ ճամբորդութիւններդ կատարէ: Թող
Աստուած քեզի օգնէ յանցանքներդ քաւելու և բու-
լորովին դարձի եկած քովս վերադառնալու:

Թագաւորը Հանդիսաւոր կերպով
Ռայնէկէին թողութիւն կը շնորհէ և
կենդանիներուն կը պատուիրէ անոր և
իրեններուն պէտք եղած յարգանքը
ցոյց տալ:

Թագաւորը թագուհիին հետ գահին վրայ բար-
ձրացաւ: Ռայնէկէ կեցած էր գահին ամենաբարձր
աստիճանին վրայ՝ թագուհիին քովը: Կենդանիները
անոնց շուրջ մեծ կիսաշրջան մըն էին կազմած: Թա-
գաւորը հանդիսաւոր կերպով ոտքի ելաւ և լու-
թիւն պահանջեց:

— Լուսթիւն. լսեցէ՛ք բոլորդ՝ կենդանի թէ
թռչուն, աղբատ թէ հարուստ, մեծեր թէ փոքրեր,
բոլոր ճորտերս ու հպատակներս. ձեր առջև կանգ-
նած է Ռայնէկէն: Այս առտու իրեն կախազան կը
սպառնար: Մական յետոյ ապացուցեց որ արժանի
է պատուոյ և ողորմութեան: Ամուսինս՝ թագուհին
ալ խնդրեց որ ներեմ Ռայնէկէին: Այսպէսով նորէն
բարեկամացանք և ներեցի իրեն: Ազատութիւն կու
տամ Ռայնէկէին և իր սեփականութիւնը կը վերա-
դարձնեմ: Իսկ ձեզի կը պատուիրեմ խստօրէն Ռայ-
նէկէին, կնոջն ու պզտիկներուն հետ գիշեր թէ ցե-
րեկ յարգանքով վարուիլ: Ասկէց վերջը ոչ մէկ գան-
գատ Ռայնէկէի դէմ ականջներուս չպիտի հասնի: Ե-
թէ առաջ մեղքեր է գործած՝ հիմա կ'ուզէ ուղղուիլ:
Վաղը առտու ցուպը և ուխտաւորի պայուսակը պի-
տի առնէ Հոռոմ երթալու համար: Այնտեղէն ալ ծո-

վով Երուսաղէմ պիտի երթայ, մինչև որ բոլոր մեղքերուն համար կատարեալ թողութիւն ստանայ:

Կենդանիներու մէջ մեծ շարժում առաջ եկաւ: Խումբեր կազմուեցան, որոնք միաժամանակ կը խօսէին ու կ'աղմկէին: Կատուն, արջը և գայլը գլուխ գլխի էին եկած: Կատուն բարկութենէն կը փրփրէր:

— Կ'ուզէի գետնին տակն անցնիլ: Ահա Ռայնէկէ կրկին թագաւորին շնորհը կը վայլէ և պիտի աշխատի սուտով և խորամանկութեամբ մեզ՝ երեքիս ալ աւելի վնասներ հասցնել քան մինչև հիմա: Մէկ աչքէս արդէն կոյր եմ՝ հիմա ալ միւսին կարգն է:

Արջը դժկամակօրէն մոմոաց.

— Հնարք մը խորհելը դժուար է:

Իսկ գայլը կը մտածէր:

— Չեմ կրնար հասկնալ թէ ի՞նչպէս կրնայ այս տեսակ բան մը պատահիլ: Եկէք երթանք թագաւորին և անգամ մըն ալ հետը խօսինք:

Շուտ մը շտապեցին թագաւորին մօտ, սակայն ուշադրութիւն չըրին որ Ռայնէկէ մօտը կանգնած էր և փորձեցին Ռայնէկէի դէմ խօսիլ: Բայց թագաւորը վեր ցատկեց և բարկութեամբ գոչեց.

— Չլսեցի՞ք որ Ռայնէկէ կրկին շնորհս կը վայելէ:

Նշան ըրաւ պահակներուն՝ որոնք գայլն ու արջը կապկպեցին ու բանտ տարին: Թագաւորը անոնց ետեւէն կը նայէր ու կը մտածէր այն դաւաճանական արարքներուն մասին, որ Ռայնէկէ պատմեր էր իրեն: Իսկ Ռայնէկէ դարձաւ թագուհիին և սկսաւ խնդրել:

— Թոյլ տուէք որ արջին կոնակէն մէկ ոտք լայնութեամբ և մէկ ոտք երկարութեամբ մորթ հանեմ պայուսակիս համար. ինձի անհրաժեշտ է նաև գոյգ մը կօշիկ՝ որովհետև ճանապարհորդ մըն եմ: Մինչդեռ գայլը չորս հատ հաստ ու պինդ կօշիկ ունի: Անոնցմէ երկուքը կրնայ ինձի տալ: Միւս եր-

կուքէն ալ կրնայ գրկուել իր կինը: Չէ՞ որ տունը պիտի մնայ:

Թագուհին խոստացաւ Ռայնէկէի բոլոր ցանկութիւնները կատարել:

— Իրենց կեանքի գնովը անգամ գայլը և իր կինը երկու գոյգ կօշիկ պիտի տան:

Այդ լսելով Ռայնէկէ խոնարհութեամբ և քաղաքավարութեամբ թագուհիին շնորհակալութիւն յայտնեց.

— Աստուած Չեզ Չեր բարութեան համար թող վարձատրէ: Պանդուխտի պարտքն է իրեն բարութիւն ընողներուն համար աղօթել:

Գայլի առջևի ոտքերու կօշիկները դուրս քաշեցին իսկ իր կինը ետևի ոտքերու կօշիկները կորսնցուց: Կաշին ալ ճանկերուն հետ գնաց: Իսկ արջը կոնակին վրայէն մեծ կտոր մը մորթ կորսնցուց: Քերձուածները կ'ողբային ու կը հեծէին, մինչ Ռայնէկէ, նենգ ժպիտը երեսին, անոնց կը նայէր:

Ռայնէկէ հրաման կ'առնէ երթալու, և այնպէս կը ձևացնէ թէ ուխտի կ'երթայ. խոյր ցուպը ազուէսին ձեռքը կ'ու տայ եւ պայուսակը վիզէն կը կախէ:

Միւս առտու, դեռ արևը չծագած, Ռայնէկէ պալատի դրան առջևն էր: Հագած էր օր մը առաջ գայլէն յափշտակուած կօշիկները, զոր լաւ մը փայլեցուցած էր: Ազուէսը վայրագ ժպիտով մը անոնց կը նայէր. յետոյ հպարտութեամբ պալատ մը տաւ: Թագաւորը ազուէսը սիրալիբ կերպով ընդունեց: Ռայնէկէ քաղաքավար ու հպարտ ձևով թագաւորին առջև խոնարհութիւն մը ըրաւ և ըսաւ.

— Տէ՛ր իմ, Չեր խոնարհ ծառան սուրբ ուխտագնացութեան պատրաստ է: Կը խնդրեմ Չեր քահա-

նային օրհնութիւնը, որպէսզի Աստուծոյ ողորմութեամբ ուխտագնացութիւնը յաջող երթայ:

Թագաւորը կանչել տուաւ խոյր: Ասիկայ միաժամանակ զիւրաւարապիւր էր և պալատական քահանայ: Թագաւորը ըսաւ անոր.



Ռայնէկէին չոֆել տուաւ, օրհնեց...

— Այստեղ կանգնած է աղուէսը՝ ուխտագնացութեան երթալու պատրաստ: Օրհնէ՛ զինքը, պայուսակը վիզը անցուր և ցուպը ձեռքը տուր:

Սակայն խոյր մերժեց:

— Տէ՛ր իմ, արդեօք Չեզի ծանօթ չէ՞ որ աղուէսը Պապի բանադրանքին տակ կը գտնուի: Եթէ զին-

քը օրհնեմ՝ կրնայ դժբախտութիւն մը զայ գլխուս: Եպիսկոպոսը՝ որ իմ մեծաւորս է՝ կը պատժէ ինձի: Աղուէսի դէմ ոնէ թշնամութիւն մը չունիմ և սիրով կ'ընէի, եթէ կարենայի մեծաւորներուս առջև արդարանայ:

Թագաւորը ըսաւ դժկամակութեամբ.

— Պէտք չունիս պոռչտալու: Ի՞նչ պէտք կայ անօգուտ խօսքեր ըսելու: Ինձի ի՞նչ ձեր եպիսկոպոսը: Սատանան տանի ձեր տատանումը: Լսեցի՞ր որ Ռայնէկէ չոֆել կ'ուզէ երթալ, կ'ուզէ ուղղուիլ: Ինչո՞ւ կ'արգիլես զինքը:

Խոյր շփոթած էր: Երբ տեսաւ թագաւորին բարկութիւնը, Ռայնէկէն չոֆել տուաւ, օրհնեց և խաչի նշանը հանեց անոր վրայ: Յետոյ պայուսակը վիզը անցուց և ճամբորդութեան ցուպը անոր երկարեց. Ռայնէկէ ըսաւ.

— Ողորմած թագաւոր, հրամայեցէք որ բանտարկեալներուն վրայ լաւ հսկեն, որպէսզի չփախչին: Ինքզինքը այնքան տխուր կը ձևացնէր, որ բարի սրտերը կը մեղքնային իրեն: Ամէնէն վերջը քովը մնացին խոյր և նապաստակը: Աղուէսը ըսաւ անոնց.

— Ա՛խ, սիրելի բարեկամներս, իրարմէ պիտի բաժնուի՞նք: Ի՞նչ կ'ըլլայ, քիչ մըն ալ հետս եկէք: Բարի մարդիկ էք, ճիշդ այն տեսակ կեանք կը վարէք ինչպէս որ ես, երբ վանական էի: Երբեք ինձի գէշութիւն չէք ըրած. խոտ ու տերևով կը սնանիք և երբեք միս կամ ուրիշ կերակուրներ չէք ուտեր:

Ճամբան այնչափ բաներ պատմեց որ երկու կենդանիները առանց գիտնալու ինքզինքնին Մալեպարտուս ղդեակին առջև գտան:


Ռայնէկէ նապաստակը կը սպաննէ և կնիջը կը պատմէ թէ ինչպէս ազատեցաւ:

Երբ Ռայնէկէ իր ամբողջին առջև հասաւ՝ ըսաւ.

խոյին. «Գուրսը մնացիր. նապաստակը ինձի հետ թող ներս գայ: Պէտք է կինս մխիթարէ, որ անպատճառ շատ տխրած պէտք է ըլլաւ, իմ ճամբորդութեանս լուրը աննելուն»:

Աղուէսի խօսքերը այնքան բրտանց էին, որ նապաստակը ներս մտաւ իսկ խոյը մնաց գուրսը:

Տիկին աղուէսը ծանր հոգերու մէջ՝ իր երկու ձագերովը պառկած էր խշտեակին մէջ: Չէր յուսար որ ամուսինը կը վերադառնա, էրբ որ գայն տեսաւ, ուրախութեամբ վեր ցատկեց. ձագերը շտապեցին



— Հիմա ձգեցեք որ ուտեցեք...

իրենց հօր ընդառաջ երթալու և թևերէն կախուեցան: Երբ տիկին աղուէսը տեսաւ պայուսակը, կօշիկները և ցուպը, շատ զարմացաւ ու ըսաւ.

— Ա՛խ, Ռայնէկէ, ի՞նչպէս անցաւ ճամբորդութիւնդ: Ռայնէկէ պատասխանեց.

— Պալատը ինձի ձերբակալեցին, բայց թագաւորը ազատ արձակեց. արջն ու գայն ալ պատանդ ձգեցի. իբրև ուխտաւոր Հոռոմ կ'երթամ, հոն-

կէ ալ ծովով Երուսաղէմ: Ուրախացիր, իբրև քաւութիւն թագաւորը նապաստակը մեզի նուիրեց: Իր կեանքը մեր ձեռքին մէջն է, որովհետև ինքը թագաւորը ըսաւ որ սա է մեզի մատնողը: Չափէն աւելի բարկացած եմ. պէտք է իր մատնութիւնը քաւէ:

Երբ նապաստակը այս խօսքերը լսեց շատ վախցաւ և ուզեց փախիլ: Բայց Ռայնէկէ վրան յարձակեցաւ եւ կոկորդէն բռնեց: Նապաստակը սկսաւ զարհուրելի կերպով պոռալ. «Օգնութիւն, հասէ՛ք, աղուէսը կ'ուզէ զիս սպաննել»: Նապաստակի ձայնը ելաւ մինչև որ Ռայնէկէ վիզը խածաւ՝ կտրեց: Տիկին աղուէսը և պղտիկները վրայ հասան և արիւնը լափիկեցին: Ռայնէկէ աճապարանօք ըսաւ.

— Հիմա ձգեցէք որ ուտեցեք. իւզոտ նապաստակ է. անմիտ արարածը արդէն ուրիշ բանի պէտք չէր: Տիկին աղուէսը շուտ մը նապաստակին կաշին քերթեց և սկսան ուրախ ուրախ ուտել: Տիկին աղուէսը արդէն կշտացեր էր և հարցուց.

— Մոռցայ հարցնել թէ ի՞նչպէս ազատեցար: Աղուէսը պատասխանեց.

— Երկար ժամեր պէտք է բոլորը պատմելու համար. այժմ լաւ բարեկամներ ենք: Բայց այդ բարեկամութիւնը երկար չպիտի տևէ: Երբոր ճշմարտութիւնը իմանայ, զիս կեղծաւոր արարած պիտի կոչէ և եթէ յաջողի նորէն բռնել, այն ատեն ոչ արժաթով ոչ ոսկիով չպիտի կրնամ ազատիլ: Եթէ բռնէ՝ անկասկած կախազան պիտի հանէ. պէտք է այստեղէն հեռանանք:

Խօյը նապաստակը դուրս կը կանչէ:
Ռայնէկէ կեղծ պատասխան կու տայ:

Խոյը դուրսը կը սպասէր: Համբերութիւնը հատաւ և գոռաց. «Նապաստակ, դուրս եկուր, պէտք է վերադառնանք»: Ռայնէկէ լսեց: Դուրս ելաւ և սիրալիկ կերպով ըսաւ.

— Ներէ՛, խոյ, նապաստակը քեզի կ'իմացնէ որ կ'ուզէ հօրաքրոջ քով մնալ. կինս չ'ուզէր գայն ձգել. կրնաս կամաց կամաց երթալ. Բայց խոյր պատասխանեց.

— Չէ՞ որ լսեցի նապաստակին օգնութեան կանչը. կարծես մեծ նեղութեան մէջ ըլլար: Ռայնէկէ հագըտացուց կենդանին. «Մա, տես թէ ինչ եղաւ. կինս իմացաւ որ պիտի ճամբորդեմ, վախէն նուաղեցաւ, այն ատեն նապաստակը կանչեց. «Օգնութիւն, հօրաքոյրս կը մեռնի»». այս ճիշն էր որ լսեցիր:

— Ո՛չ, ըսաւ խոյր, մահուան ճիշի կը նմանէր: Աղուէսը պատասխանեց.

— Ոչ, նապաստակին ոչինչ չէ պատահած. Բացի ատկէ կ'ուզէի քեզի հետ ուրիշ բանի մը մասին խօսիլ. թագաւորը ինձմէ խնդրեց իրեն շատ կարևոր տեղեկութիւն մը յայտնել: Պիտի ուզե՞ս, սիրելի եղբորորդիս, նամակը տանելու նեղութիւնը յանձն առնել: Ճիշդ հիմա լմնցուցի. մէջը շատ գեղեցիկ բաներ եմ գրած. խոյր ուզեց գիտնալ.

— Նամակները ապահով են. ուր դնեմ որ պէսզի կնիքը չխախտի: Աղուէսը ճարը գիտէր.

— Արջի մորթէն շինուած պայտուսակը բաւական հաստ է ու ամուր. անով կարելի է փոխադրել նամակներ. թագաւորը քեզ պատուով պիտի ընդունի և առատօրէն վարձատրէ: Խոյր խելացի մարդ չէր, եթէ ոչ աղուէսի խօսքերուն չէր հաւատար: Ռայնէկէ ներս գնաց պայտուսակը առաւ և նապաստակին գլուխը մէջը դրաւ. նորէն դուրս ելաւ և խոյին ըսաւ.

— Այս պայտուսակը վզիդ կ'անցնեմ, բայց կ'արգիլեմ որ բանաս: Պիտի տեսնես թէ թագաւորը քեզ որքան պիտի գովէ երբ նամակը կարդայ: Թագաւորին ըսէ որ նամակը ես եմ գրած, սակայն պարունակութիւնը դուն ես հնարած:

Յիմար խոյր երբ այս բանը իմացաւ, շտապով աղուէսէն բաժնուեցաւ և պալատի ճամբան բռնեց:

Երբ թագաւորը խոյին գալը տեսաւ Ռայնէկէի

պայտուսակը վիզէն կախուած, շատ զարմացաւ.

— Ո՛ւր է Ռայնէկէն. կը տեսնեմ որ իր պայտուսակը կը կրես: Խոյր ծանրութեամբ պատասխանեց.

— Մեծ իշխան, Ռայնէկէն ինձմէ բարեկամաբար խնդրեց Ձեզի երկու նամակներ յանձնելու: Ան իմ խորհուրդովս գրեց այդ նամակները: Անոնց մէջ նուրբ իմաստ և մեծ դատողութիւն պիտի գտնէք. նամակները այս պայտուսակին մէջն են:

Թագաւորը անմիջապէս կուղբը կանչեց, որ իր գրագիրն էր. ան գիտուն մարդ մըն էր և շատ լեզուներ կը հասկնար: Շտապով եկաւ և զգուշութեամբ սկսաւ պայտուսակը բանալ: Բայց որչափ զարմացան երբ կուղբը, նամակներու տեղ նապաստակի արիւնոտ գլուխը հանեց դուրս: Թագուհին գլուխը դարձուց իսկ թագաւորը աղէտին առջև գլուխը խոնարհեց: Յետոյ սակայն վեր ցատկեց և խելագարի պէս սկսաւ պոռալ «Խաբուած եմ, յաղթուած. այսքան ալ ստախօսութիւն: Ռայնէկէ սրիկայ խաբեբայ մըն է:» Բոլոր կենդանիները շատ կը մեղքնային իշխանին՝ որ աղուէսի անհաւատարմութիւնը չէր կրնար ըմբռնել. բայց ոչ ոք կը համարձակէր բան մը ըսել: Թագաւորը սեղանին քովը նստած էր վշտալի գլուխը ձեռքերուն մէջ առած. ընձառիւժը որ թագաւորին մօտն էր, առաջ եկաւ ու ըսաւ.

— Ինչո՞ւ այդքան ջղայնացած էք: միայն անոր համար որ ստահակ մը Ձեզ խաբած է: Չգատացէ՛ք, դեռ ուժ ունիք մարդասպանը պատժելու: Թագաւորը պատասխանեց.

— Իրաւունք ունիս, ի՞նչպէս կրցայ այդ ստահակին հաւատալ: Իր պատճառաւ իմ ամենայաւ բարեկամներս խայտառակեցի. այս է իմ խիղճս տանջողը: Սակայն այս բոլորը կնո՞ղս կը պարտիմ, այնքան աղաչեց, որ վերջ ի վերջոյ տեղի տուի:

Ընձառիւժը սկսաւ մխիթարել.

— Մի՛ յուզուիք, Ձեր բարեկամներուն ինչ չարիք որ հասցուցիք, կրնաք սրբագրել: Պէտք է իսկոյն գայլը և իր կինը բանտէն հանել և իբր հատուցում խոյր անոնց տալ: Պարզ է որ ան է նապաստակի մահուան պատասխանատուն: Վերջը պէտք

է Ռայնէկէի հետամուտ ըլլանք եւ երբ ձեռք անցը-
նենք առանց երկար խօսքի կախաղան հանենք:

Թագաւորը հաւնեցաւ ընծառիւծի խօսքերը.

— Այո՛, այդպէս յաւ է. իսկոյն գացէք գայ-
լը եւ իր կինը բանտէն հանեցէ՛ք եւ այստեղ բերէք.
անոնց նորէն իրենց պատիւը կը վերադարձնեմ: Նա-
եւ չմոռնաք ամէն տեղ յայտարարել որ Ռայնէկէ
միայն սուտով եւ խաբէութեամբ ազատեցաւ ար-
դարութեան ձեռքէն, նապաստակը սպաննեց եւ իր
թագաւորը վատօրէն խաբեց. բոլոր կենդանիները որ
նոս հաւարուած են, պէտք է գիտնան այս բոլորը:
Բոլորը պէտք է յարգեն արջն ու գայլը, իսկ իրենց
հատուցումը թող ըլլայ խոյր իր ամբողջ տոհմով:

Իսկոյն կենդանիները բանտ վաղեցին եւ ըն-
ծառիւծը բանտարկեալներուն իմացուց թագաւորին
պատգամը. ան եզրակացուց.

«Թագաւորը խոյր իր ամբողջ տոհմով ձեզի եւ
ձեր ժառանգորդներուն կը նուիրէ: Կրնաք անպա-
տիժ գինքը սպաննել, ըլլայ անտառը, դաշտը կամ
մարգագետինը: Ռայնէկէ օրէնքէ դուրս է. ո՛չ մէկ
օրէնք կը պաշտպանէ գինքը, իր կինը կամ իր պրզ-
տիկները. որտեղ ալ հանդիպիք պատժեցէք գինքը.
Թագաւորին պարգևը ընդունեցէք և նորէն հաւա-
տարմութիւն երդուեցէք իրեն»: Իսկ խոյր հանդիսա-
ւոր կերպով անոնց տրուեցաւ և անով իրենց ազատ-
ման խնջոյքը ըրին:

Ինչպէս որ թագաւորը հրամայեր էր, այնպէս
ալ մնաց Արջը և գայլը եւ իրենց ամբողջ տոհմը յաւի-
տեան թշնամի են ոչխարներուն եւ խոյերուն. որ
տեղ ալ ըլլայ կը յարձակին ու կը յափշտակեն:



ՄԱՆԿԱԿԱՆ ԳՐԱԴԱՐԱՆ

Սմիսը երկու գիրք կը հրատարակուին՝ ամսոյ 15ին և 30ին

ԼՈՅՍ ՏԵՍԱԾ ԵՆ ԱՌԱՋԻՆ ՎԵՅԱՄՍԵՍՅԻՆ.

- | | |
|--|-------------------------------|
| Թիւ 1) Հինգ պատմուածքներ՝ | Յովհ. Թումանեան եւ Ղ. Աղայեան |
| Թիւ 2) Սասունցի Դաւիթ՝ | Յովհ. Թումանեան |
| Թիւ 3) Մըջիւնները՝ | Թ. Գաբրիէլեան |
| Թիւ 4) Լուսերեսն ու Վարդերեսը | Կրիմ Եղբայրներ |
| Սագարած Աղջիկը | « « |
| Գերին եւ Արիւծը | Ա. Չիլինկարեան |
| Թիւ 5) Ուրախ Հնակարկատը | Յովհ. Թումանեան |
| Ոսկիէ աղջիկը | Գերմաներէնէ |
| Թիւ 6) Մօրը համար | Էտմ. Տ'Ամիչիս |
| Թիւ 7) Իշու մը յիշատակարանը | Կոմսուհի Սէկիւր |
| Փոքրիկ լրտեսը | Էտմ. Տ'Ամիչիս |
| Թիւ 8) Արեգնազան | Ղ. Աղայեան |
| Թիւ 9) Երեք պատմուածքներ | Կրիմ Եղբայրներ |
| Թիւ 10) Մէկ օրուան թագաւոր | Հաղար ու մէկ գիչերներ |
| Թիւ 11) Երեք պատմուածքներ | Կրիմ Եղբայրներ |
| Թիւ 12) Ինչո՞ւ համար է ծաղիկը եւ Գերի արծիւը Ն. Սարգսեան | |

Համագումար 400 էջ, պատկերազարդ:

Վեցամսեայ բաժնեգին, 110 լէյ, 80 Լէվա. 1 Տոյար, 15 ֆրանս.

Փրանք:

Տարածեցէ՛մ մանկական գրադարանը

Բաժանորդագրեցէ՛մ ձեր զաւակները



«Ազգային գրադարան



NL0224587

„ՄԱՍԻՍ“ Ի

ԱՐՏԱՍԱՀՄԱՆԻ

ԳՈՐԾԱԿԱԼՈՒԹԻՒՆՆԵՐԸ

Ա. ԱՐՏԱՍԱՀՄԱՆԻ ԸՆԴՀ. ԳՈՐԾԱԿԱԼՈՒԹԻՒՆ՝ «ՎԷՄ», 13 Rue des Platanes Plessis Robinson Seine, Paris

ԱՆՈՐ ԵՆԹԱԿԱՅ ԳՈՐԾԱԿԱԼՈՒԹԻՒՆՆԵՐ

- 1) ԿԻՊՐՈՍ՝ Պ. Յ. Մահտէսեան Nicosia, Arastast, No. 1
- 2) ԵԴՈՎՊԻԱ՝ » Հ. Պուլսալեան Hirna
- 3) ՊԱՂԵՍՏԻՆ՝ » Վ. Կէտիկեան Ierusalem, Haret el Nsare
- 4) ԻՐԱԲ՝ » Մ. Սոսոյեան Baghdad, South gate, Bataveen 27/1
- 5) ԱԲԱԴԱՆ՝ » Ա. Յակոբեան P. O. Box 22
- 6) ԹԱԻՐԻԶ՝ » Խ. Մելքումեան
- 7) ՆՈՐ ԶՈՒՂԱ՝ » Թ. Թաղէսեան (Ecole Arménienne)
- 8) ԹԷՀՐՍՆ՝ » Ե. Իշխանեան Red. „Alik“
- 9) ԴԱՄՈՍԿՈՍ՝ » Ս. Պոյաճեան B. P. 321
- 10) ԳԱՀԻՐԷ՝ » Գ. Մխիթարեան B. P. 868
- 11) ՀԱԼԷՊ՝ » Յ. Կոնդայեան Hamam-el-Telle
- 12) ՄԱՐՍԷՅԼ՝ » Ն. Կպոսեան Rue Nationale, No. 49
- 13) ՓԱՐԻԶ՝ » „ՎԷՄ“
- 14) ՊՈՒ ԱՅՐԷՍ՝ » „ԱՐՄԷՆԻԱ“ Canning, 1087

ՄԱՍՆԱԻՐ ԳՈՐԾԱԿԱԼՈՒԹԻՒՆՆԵՐ

- 1) ՍՕՅԻԱ՝ Պ. Գ. Հալաճեան B. P. 444
- 2) ՌՈՒՍՃՈՒՔ՝ » Օն. Զարմուշի Ecoles Armeniennes
- 3) ՅՈՒՐԿԱԶ՝ » Մ. Թովմասեան Bul. Ferdinandova, No. 3
- 4) ՓԼՈՎՏԻՎ՝ » ՄԿ. Կարապետեան

Գ. ՅՆԵԱՍՏԱՆ

- 1) ԱԹԷՆՔ՝ „Նոր Օր“ 20 A. Rue Vouli
- 2) ՅԵԼԱՆԻԿ՝ „Հորիզոն“ Rue Franguini, 2

Դ. ՀԻՍ. ԱՍԵՐԻԿԱ

- 1) ՊՈՍՏՈՆ՝ „Հայրենիք“ 13—15 Shawmut St.